


ΣΚΙΑΔΙΟΦΟΡΗΜΑ  
S I V E  
DE VMBELLÆ GESTATIONE







SEXTARIUS FIGLIN IN MV'S FELIC-MASTRILLI PATRIC NOLANI

PAVLLI M. PACIAVDI

CLERICI REGVL. PRESBYTERI  
HISTORICI ORDINIS HIEROSOLYMITANI

ΣΚΙΑΔΙΟΦΟΡΗΜΑ

S I V E

DE VMBELLAE GESTATIONE.  
COMMENTARIVS.



ROMAE cIo. Io. cclii.

---

EX TYPOGRAPHIA PALLADIS

EXCVDEBANT NICOLAVS ET MARCVS PALEARINI

EX PRÆSIDVM PERMISSV.

VIVAT . DEO  
QVI . LEGIT . &

## SINGVLORVM CAPITVM BREVIARIA.

ΠΡΟΛΗΨΙΣ. Commentarii edendi consilium. Allocutio ad Innicium Martinum Caracciolum. Gesta ab eo strenue. Praestantia argumenti, & patrisio operis. Pag. I

CAP. I. De Umbellae gestatione in sacris Dionysiis. Pollucis, Pausaniae, Hesychii, atque Athanasi de ea re testimonia expenduntur. Kunii interpretatio rejicitur. Pompa Alexandriae jussu Philadelphi deducta. VII

CAP. II. Monumenta aliquot σκιάδιοφορίας Baccho sacram rentia. Sardonyx nunc primum divulgata. Pictura vasis Tuscanici perperam a Montfauconio explicata. Vetus Lapis ΔΙΟΝΥΣΟΥ ΣΚΙΑΝΘΙ restituitur. XI

CAP. III. Judaeos Hellenistas in celebrando Festo σκλωπορυίας multa ab Ethnorum Bacchanalibus flagitiose adscivisse. Nec tamen omnino credendum Plutarcho, Judaeos se totos Idololatriae devovisse affirmanti. Narrantur ea, quae in Festo Tabernaculi formam habuere Dionysiorum. Nummus Agrippae senioris explicatus. Bacchicam σκιάδιοφορίαν apud Hebraeos collabente Rep. vere obtinuisse. XVIII

CAP. IV. Qua ratione Umbella deportaretur in Eleusiniis Thesmophoriis, ac Panathenaeis religionis ergo. Aristophanis Scholiastes castigatus. Thesmophoria fuisse ἱερὰ ρυττεινὰ. Numisma Juliae Dominae illustratus. ΣΚΙΠΑ apud Athenienses in honorem Minervae Scirades. Umbella in eo festo quorsum elata. Cur illa albi coloris. Suidas parum sibi constans in ejus descriptione. XXIV

CAP. V. Umbellam nolum nostrae memoria, sed ab ultimis usque temporibus velut insigne & indicium dignitatis habitam fuisse. Id vel maxime apud antiquissimos Persarum Primores. Quid reliquiae Persepolis. Conradi Stiglicii sententia de Umbellis, Statutis signisve Heroum adpositis. Jus deferendae Umbellae a Senatu P. C. minimè irro-

irrogatum. Umbella num tegumentum capitis Despotæ, & Procerum Byzantinorum? Praetoribus juri dicundo an concessa, atque data?

XXIX

CAP. VI. Umbellae in Theatrum penes Romanos advectae. Ex Campanorum lautitia morem profluxisse. Vfus Umbraculorum in Deambulatione. Ovidii, Martialis, Claudiani, & Aristophanis carmina, quae eo adducuntur. Similiter in Peregrinationibus, ac Venatione. Sponii judicium de Mercurii Petafo refellitur. Nummus ΑΙΤΩΛΩΝ quid referat? Servi Inquilini apud Graecos Umbellae deferendae additi.

XXXV

CAP. VII. Umbellarum usus in Balneo Subdiali. Figurae, & imagines, quibus obducitur extima Etrusci Vasis superficies, partite explicantur. In antica ejusdem facie Umbella. De Flabellis, & Muscariis opportuna digressio. Vas ipsum oenophorum, & potatorium fuisse. Num Umbellae usus ab antiquissima Etruscorum gente ad Romanos dimanavit?

XL

CAP. VIII. Antiqua Umbellae forma. Virgis mobilibus contrahi, atque distendi. Testudinatum aliquando fuisse. Albericum, & Anacreontem perperam huc accersiri. Mulierum capilli sic conformati, ut Umbellae vicem praestent. Sudaria, Linthea, Vestes ad umbram faciendam arboribus alligata. Foliis Palmae bifidatis Umbellas confici, sed eae agrestes. Elegantiores omni luxu, & ornatu. Locus Juvenalis ab interpretibus vexatus explicatur.

XLVII

CAP. IX. De Christiano Umbellae usu. Umbella, qua Graecorum Presbyteri, & Diaconi utebantur, teste Simeone Thessalonicensi. Apallarea in Templis Christianorum suspensa. Umbraculum a Georgio PP. in Basilica Salvatoris appositum. Dono missum Pippino Regi a Paulo I. Item Alexandro III. & Federico I. Imperator. ab Anconitanis oblatum. Jaspis Episcopum referens equo vectum servo Umbellifero comitante dilucidatur. Summa BENEDICTI XIV. in antiquitatibus Christianis cognitio, & mira accuratio. De Flabellorum usu in Graeca ac Latina Liturgia perbrevis observatio.

LIV  
AM-



( I )  
 AMPLISSIMO. AC. NOBILISSIMO. VIRO  
**INNICO. CARACCIOLÒ**  
 E. MARTINENSIVM. DVCIBVS  
 ARCHIEPISCOPO. CHALCEDONIAE  
 ROMANIQUE. PONTIFICIS. AD. VENETORVM  
 REMPUBLICAM. LEGATO

Π Ρ Ο Λ Η Ψ Ι Σ .



TSI multa in litteratorum moribus atque institutis per injuriam reprehendantur; illud tamen merito culpandum videtur, quum publicae utilitatis obtentu quidpiam edendi spem faciunt, sed opus ita in dies protrahunt, ut diuturna promissi expectatione ferme jam displiceat necdum editus liber, & sinistrae de eo disseminentur prae-

conceptae opiniones, atque sententiae. Horum me numero accensendum fortasse putabunt, similique in culpa teneri arbitrabuntur, qui quarto ab hinc anno a Viro politionum litterarum amantissimo A. F. Gorio acceperunt me ex eo usque tempore

A

ani-

## ( II )

animum adjecisse huic lucubrationi conficiendae<sup>a</sup>; vel qui norunt eam quantocius evulgaturum me ipsum fuisse pollicitum<sup>b</sup>. Numquid inclarescendi artificio haec me scripsisse suspicionem injecero<sup>c</sup>? Fidem aliquando divini Numinis concessu, atque munere exsolvere aggredior; tardius quidem quam par erat, sed duae potissimum causae effecerunt, ut longam adeo interposuerim moram, quas nunc candidus edisseram. Opellam jamdiu ad umbilicum, quod ajunt, perduxeram, & figuras quibus exornatur aeri vel buxo incidendas curaveram. At ea tum subit cogitatio praeclarius me facturum; si ea omnia quae italice scriperam latinis mandare litteris instituerem. Verum cunctanter levibusque manibus operam dabam, eo quod nonnisi subcivica, & secundaria tempora ad hanc versionem perraro conferrem. Deinde cogitationem ex animo penitus abjeceram libellum solitarie edendi, ut in ampliori Veterum Monumentorum collectione illi locum darem. Quare tertius jam elabitur annus, ex quo omnem *σκιανολογίας* voluntaria oblivione contriveram.

Sed memoria repetenti mihi beneficia tua INNICE AMPLISSIME, ac meditati quo argumento in omnium oculis disigerem me Tibi & summis officiis, & praestanti tua liberalitate summo opere esse devictum, Commentarium hunc e forulis prodire jussi, eumque tuo nomini inscribere deliberavi. Tanta profecto est tuorum in me meritorum magnitudo, quod si ad referendam gratiam inops ac omnino impar sum, ad praedicandam certe atque habendam nihil praetermittam. Atque id in primis praestandum efficiendumque duxi hoc edito Syntagmate, ut si quid est in me ingenii, & doctrinae, quod sentio quam sit exiguum, id tibi dicarem; nihil enim praeter haec Minervalia suppetunt vires, quo obsequentissimam in Te voluntatem, quum apud animum tuum, tum apud ceteros testatam relinquam. Quod officii genus arbitror haud posse improbari; nam, ut auctor est graecus homo Libanius; qui beneficio affectus est,

eum

<sup>a</sup> *Gervio Musæ Guarnaccii Monumenta illustrata* c. ap. xvi. pag. 78. Florentiae 1744.

<sup>b</sup> *Dissertazione sopra una Statua di Mercurio* §. xli. Napoli 1747.

<sup>c</sup> Inter inclarescendi artificia hoc recenset Michael Lillientallus *De Machiavelismo* libro 5. c. 18, nimirum si quis dives promissis litterati orbis curiositatem excitare gessit.

### ( III )

eum honore prosequatur oportet, a quo accepit; prosequitur autem si quod habet, tribuat. Poeta, inquit ille, hymnum modulatum, dicendi peritus elogium immodulata, solutaque oratione refert<sup>a</sup>. Porro dum tua beneficia mecum ipse reputo, statim ante oculos obversatur pulcherrima temporis illius species & recordatio, quo Venetiis tanta benevolentia ac familiaritate, tantoque studio me complexus es, ut nullum fere domicilium mihi fuerit jucundius aut desiderabilius; nec ullo umquam tempore consuetudinem vitae, qua tecum adeo oblectabar, ex animo deponam: ac si mihi licet hominis gravissimi, & ornatissimi (cum quo ceteroquin nullo modo sum comparandus,) verba usurpare, in Te uno sospitatore illum nactus sum, quem Antonius Gratianus in Cardinali Comendono fuisse prospereque fuerat adeptus<sup>b</sup>, qui nempe res omnes meas patrocinio suo tutaretur atque foveret.

At si Venetias nomino, ne dum Urbem illam & situ, & descriptione aedificiorum nobilem florentissimamque appello, sed & Rempb. optimis legibus constitutam, quae quum civibus abundet & fama meritorum, & pervagata apud omnes gloria, & rerum gestarum magnitudine claris, nonnisi summa & ingentia facta in exteris admiratur. Miratur tamen illa in Te NOBILISSIME CARACCIOLE; morum gravitatem, integritatemque multis magnisque rebus spectatam: miratur severitatem facilitati comitatique adpersam; munificentiam in dignitate tuenda; studium pietatis amplificandae; miraturque adhuc magnificam apparitionem adventus tui in Urbem, quem populus singulari hilaritate atque laetitia honestavit. Verum Senatus, quem admodum ait Tullius, princeps salutis, mentisque publicae; altius prospiciens, tuam in negotiis gerundis, expediendisque dexteritatem, diligentiam, prudentiam observavit, coluitque. Quamobrem gravissimam controversiam de *Limitibus Romanae, Venetaeque ditionis constituendis*, & temporis diuturnitate molestatam, & finitimorum dissensionibus implicatam, nec summis conciliatoribus diremptam, tuo veluti iudicio permisit, & Te

A 2

a San-

<sup>a</sup> Tom. I. *Orat.* xxxi. 1. Edit. Morelli Paris 1606.

<sup>b</sup> De scriptis divita Minerva Tom. II. Flo.

rentias 1745. Studio opera diligentiaque d. Gualmi Hieron. Lagomastigli.

( IV )

a Sanctissimo Pontifice BENEDICTO XIV. finium regundorum arbitrum datum volens lubensque suscepit. Cujus muneris procuratione tam sapienter defunctus es, ut Senatus in frequenti concione honorificum & in omne aevum duraturum tibi decreverit monumentum; scilicet Numisma aureum maximi moduli cudi jussit cum lemmate FINIBUS POSITIS. s. c. quod auspiciatissimam pactionem posteritati designaret, & tui nominis celebritatem immortalitati commendaret\*. Haec dum Venetiis a Te gerebantur, alii Romae praedicabant expeditiones illas, quas sic complexisti, ut nemo paratior, vigilantior, aut compositior ad negotia perficienda accessisse videatur. Alteram nimirum ad Picentes secus Truentum, qua securitatem, tranquillitatemque abs vectigalium fraudatoribus malis dolis ereptam, popularibus restituisi; alteram in Provincia Patrimonii, finitimisque regionibus, qua Xenodochia pueris puellisque alendis addicta, novis excitatis aedificiis, auctis proventibus, legibus constitutis dedicasti. Ceterum vitam sanctissime & laudatissime transigere, partim difficillimis legationibus obeundis, partim religioni constabiliendae, avita, patria, domestica decora & ornamenta tua sunt, Tibique majorum tuorum exemplis tradita. Patruj tui magni INNICI CARDINALIS Antistitis Averfani memoria, & recordatio adhuc in ore omnium praeclara. Qui vir! quam erga egentes liberalis! quam sibi in omni vitae actione constans! quam bonarum in Ecclesiam partium! Cujus vestigia quum adeo strenue ingressus sis, nihil est tantum quod non Christiana Respublica & praesenti judicio, & reliqui temporis expectatione a Te perfici atque obtineri posse confidat.

Quae quum ita sint, miraberis cur velim, Te maximis occupationibus distentum hujus libelli vacare lectioni, & gravissimam, quae Tibi a Rom. Pont. imposita est, personam tam levi

a Leditissimus atque ornatissimus Comes Ludovicus Flangialis Patritius Venerus, quem honoris & amicitiae causa commemoro, totam hujus pactionis historiam recitat in pereruditae notis ad Poemation *Quireni Telpusiaci de laudibus Venetiarum*; tum sermone recenset generis nobilitatem, virtutisque animi, justitiam,

pietatem, magnanimitatem, liberalitatemque Innici Caraccioli. V. *advers.* 20. 27. 30. *Venetis* 1750.

b V. *Compendio delle Virtù del Cardinale Innico Caracciolo del Cap. Michele Saggiocco Roma* 1738.

( V )

levi momento inclinari , perinde atque ad eam te extimulem , quae in viro gravi reprehendit Synesius ἐπὶ τοῖς οὐδαρὸς ἀξίους σπουδάζειν in rebus nullius pretii studium ponere<sup>a</sup>. Equidem non sum nescius studiorum genus hoc nonnullis , hisque paullo asperioribus hominibus exsuccum , & ad nullam partem utile videri : ast Virum te esse scio & magnitudine ingenii praeditum & in liberalissimis , rectisque doctrinis sic versatum , ut de hoc litterarum genere non adeo inique sententiam feras , vel quovis amplissimo homine non dignissimum censeas . Non enim quae fuerit Anchisae nutrix , non patriam nomenque Archemoli quaero , vel quot Alcestes vixerit annos : sed in animo est ea scribendo persequi , quae partem Graeciae feriatae planam faciant : monumenta reconditiora , atque in tenebris retrusa , proferant , aut saltem ad suas aetates revocent : quibus ritibus vixerint homines antiqui , quid ex his majores nostri acceperint , doceant . Quis autem est , inquit M. Tullius , quem non moveat clarissimis monumentis testata , consignata antiquitas ? Multa etiam mihi summo illustranda , quae mores & instituta vitae Hebraeorum ac Christianorum patefaciunt . Praeterea argumentum non ita tritum ac pervulgatum esse puto , ut curiosis oculis perspici non possit . Multi siquidem de Pileo , de Caligis , de Toga , de Pallio , de Anulis , Fibulis , Armillis , deque Cingulis veterum disputarunt ; ac ea omnia , quibus hominum vita regitur , ac sustentatur commentario aliquo illustrarunt : nemo unus , quod sciam , ea , quae de VMBELLIS in antiquis Scriptoribus dissociata atque dispersa sunt , copulavit atque collegit . Quantam vero cupiditatem hominibus injiciat novitas , non Te fugit , DOCTE CARACCIOLE . Quod si paucas adeo pagellas munusculum levidense censebunt alii ad observantiam in Te meam testandam haud satis idoneum ; commovet primo illud quod Callimachus Grammaticus apud Athenaeum : τὸ μέγα Βιβλίον ἴσον ἔλεγον εἶναι τῷ μεγάλῳ κακῷ . *Inpens volumen ingenti malo simile esse dixit*<sup>b</sup> . Vel muneris exiguitatem excusabo eo effato , quo I. A. Flaminius in nuncupatoriis libellorum suorum persaepe utebatur . Recitabat ille quod

de

<sup>a</sup> Epist. LXXI. 1. Edit. Petwo. Paris 1840. <sup>b</sup> Diogenes, lib. III. Cap. 1. Edit. Casaubon.

( VI )

de Artaxerſe perhibet Plutarchus , Regem hunc potentiffimum animum offerentis , non munus inſpicere ſolitus \*.

Quoniam vero inter ſcribendum , in eam quam Cicero vim ordinis & collocationis appellat , ſemper incumbo , & quamcumque *ἀντιθέσιν* devito ; diſputabo primum de Feſtis Graecorum , in quibus potiſſimum aderat Vmbella velut ſacra & requiſita ſupellex : quod vel maxime in his quae Baccho dedicata erant uſu veniſſe ex iſtis graecorum libris confirmabo . Occaſione horum dierum , qui Deorum immortalium feſti & ſollemnes cenſebantur , non nihil adjiciam de Feſto Tabernaculorum , in quo Liberi Patris caeremonias , & Vmbellae uſum Judaeos recentiores flagitiſe retinuiſſe docebo . Cereris deinde atque Minervae Sacra Eleuſinia , Theſmophoria , Panathenaea excutiam , propterea quod in his religionis cauſſa Vmbella deferretur . Porro in praefentia Vmbella dignitatis inſigne cenſetur ; ſed etiam apud Perſas , Romanos , Graecosque obtinuiſſe , teſtibus evincam ; quod paullo latius fundetur , nam Aulae Conſtantinopolitanae ritus aliquos recensere praeclarum viſum eſt . Ut autem in Theatrum inveſta ſit Vmbella , quo antea , ludos ſub dio ſpectaturi , omnes adveniebant , inſequens capitulum oſtendet . Verum quia praeter ſpectacula , deambulationem , venationemque diligebant veteres , qua ratione Solis aeſtum devitarent , recitabo : deinde Graecorum ſuperbiam & arrogantiam in geſtatione Vmbellae dicendo perſequar , & Servorum inquilinorum genus commemorabo , ex quo Ancillae Vmbelliferae apud latinos . In Balneo quum eſſent antiqui , Vmbella uſos fuiſſe docet Vas antiquum , cujus figuram nunc primum damus : in ejus deſcriptione aliquantum immorabimur , multaque rei domeſticae antiquae illuſtrandae opportuna ex eo evocabimus . Inquiram etiam num mos atque conſuetudo Vmbellae deferendae ſervata fuerit apud Etruſcos , in quorum uſibus frequens ejus delineatio . Ac ne rerum partitione peccet diſputatio , ex qua materia , quave forma , figurae conficerentur Vmbellae exponam , & quantopere lauti ,  
ele-

\* *Epistolarum lib. 11. Ep. 217. Cardinali Grimano, & lib. 111. Epist. 221. Franciſco Ben-  
tivolet Edit. Romae.*

( VII )

elegantes, in luxum effusi essent Veteres huic etiam supellestili apparandae palam fiet. Postremo quum Christiani non Ethnorum exemplo perciti, sed natura ipsa docente ac magistra, antiquorum populorum mores fuerint imitati, de privilegio Vmbellae deferendae Viris Ecclesiae primoribus irrogato, non pauca scribam, ac Gemmam antiquo artificio factam adjiciam, & cui nam tribuenda sit imago in ea scalpita diligenter expendere non praetermittam. Equidem compertum habeo multa exstare antiqui operis monumenta ad Vmbellae formam, atque usum demonstrandum aptissima, quae huic Commentario inferere haud commodum duxi, ne quae jam prodita sunt memoriae ac litteris, repeterem atque iterarem. Paucula potius seligenda & sub adspectum subjicienda censui, nec dum ab aliis in lucem extracta, vel quorum *πρωτότυπα* non semel fueram contemplatus. Cetera quae ediderunt Boissardus, Bellorius, Dempsterus, Montfauconius, Embremayer, suis tantum locis indicabo.

C A P V T . P R I M V M

*De Vmbellae gestatione in sacris Dionysiacis. Pollucis, Pausaniae, Hesychii, Atque Athenaei de ea re testimonia expenduntur.*

*Kunii interpretatio rejicitur. Pompa Alexandriae jussu Philadelphi deducta.*

**N**ON incite Reinesius *ἀπορρίοντα* esse scribit quae de Dionysio e veterum Theologumenis tradita habemus<sup>a</sup>. Illud tamen firmum & comprehensum video statas sollemnesque fuisse caeremonias Libero Patri addictas & consecratas, quae rato tempore summa religione perficiebantur. Ratum appello tempus festorum Dionysiacorum; enim vero notum id atque testatum ex antiquis Kalendariis apud Romanos *liberalia*. xvi. Kal. Apriles peragi, & *Bacchanalia* aliquando singulis mensibus. Graeci vero, ut ego opinor, Orgia ter celebrabant, nempe primum in agris menſe Poſideone, deinde menſe

<sup>a</sup> *Inſcript. Claſſic. num. 626117.*

## ( VIII )

se Leneae, tum Elaphebolione. Id etiam moneo, & antedenucio, nam ad rem pertinet, Orgia noctu plerumque pe-  
 racta<sup>a</sup>, quod deinceps ob foedissimae turpitudinis infamiam  
 edicto censuit coercendum Postumius Consul<sup>b</sup>; atque in me-  
 dia Graecia lege perpetua sustulit Diagondas Thebanus<sup>c</sup>. Sed  
 dum Bacchi sacra Orgia nomino, utor comuni vocabulo, non  
 certo atque proprio; nam ut est apud Servium, omnia apud  
 graecos sacra significant, sicut caeremoniae apud latinos<sup>d</sup>.  
 Quae autem *Trieterica* appellabantur, ea puto fuisse pompae ple-  
 na, quae, alternis annis, omni apparatu, ornatuque celebra-  
 bantur, & in quibus ludi sumptuosiores, populi frequentia ac  
 multitudo quamaxima. Interea quum statutum sacrificium  
 Baccho fieret, summa in omni actione superstitionis, summum  
 quae studium, ne in vulgus profanum arcana dissiparentur, at-  
 que manarent<sup>e</sup>. At vereor, ne nimis trita ac proleteria con-  
 secrare videar, quamquam ita praefari multis de causis neces-  
 sarium duxerim; quare id nunc mihi fumo dicendum quod in-  
 stat, nempe in multis Bacchi Festis Umbellam gestari consue-  
 visse, non ad solis fervorem, atque flagrantiam diminuendam;  
 non ad coeli intemperiem devitandam, sed religionis causa;  
 idque testibus planum faciam locupletissimis, quos ex omni  
 antiquitatis memoria excitabo. Horum itaque agmen ducit  
 Pollux, non quidem omnium vetustissimus, sed qui paucis  
 multa complectitur: *καὶ τὸ σκιαδίου δι' ἵππων ἐν χρίσει καὶ σκιαδο-  
 φόροι, καὶ σκιαδοφορεῖ. καὶ Σκιάς ὑπὸ ἧς Διόνυσος καθύπαι. καὶ Σκί-  
 πα ἱερὰ.* Sed umbraculum usitatum est, ut umbrigeruli, & um-  
 braculum gerit, umbraque, sub qua Bacchus residet, & umbratile

Fe-

<sup>a</sup> De propudiosis haece pervulgis sicut de re-  
 liquis *Διονυσιαῖς* Nuntiorum ritibus, copiose &  
 erudite hae nostra aetate scripsit Alexander Pa-  
 nelius de *Cythereis* §. 17. & v. c. *Engel-  
 ni* 1734. Antonius Rivantella, & Joh. Paulus  
 Riccio *parte prima Marimarum Taurinensium*  
*libi* 1743. Laurentius Begerus de *Numeris Cre-  
 tantium Serpenteriferis Coloniae Morebicae* 1702.  
*de.*

<sup>b</sup> Senator consultum, quo anno v. c. *DLXXI*.  
*Bacchanalia* sublata sunt, & veteri tabula aenea  
 dederat Fabreus *Inscript. Domesticae* cap. vi.  
 sed mendis purgatum, egregioque commentario

Illustratum Matthaeus Aegyptius, vir summo  
 ingenio & scientiae copia. *Neapoli* 1729.

<sup>c</sup> Cicero *De legibus* 11. xv. Meusius *lectio-  
 num Atticarum lib. 111. cap. 11111* restitu-  
 dam censet Pagondas *Edit. Verburgii*.

<sup>d</sup> In *Arceid.* 17. Paris 1660.

<sup>e</sup> Paulinus *Corinthiaca*, seu lib. 11. cap. 17.

*Edit. Wechel* 1613. καὶ ἐπὶ τῇ αὐτῇ *Διονυσιαῖς*  
*ἐπιπύρι* ἐκστρατιὰ ἐπὶ τῇ αὐτῇ *ἡμέρῃ* 1737  
 1737 καὶ τῇ αὐτῇ *ἡμέρῃ* 1737. Quae circa illam  
 (loquitur de Palude Alcyonia) quot annis li-  
 bero Patri nocturna sacra sunt, ea mihi nefas  
 scribendo in vulgus efferre.



## ( IX )

*Festum*<sup>a</sup>. Quodnam autem fuerit umbratile hoc Festum docet Meursius in Graecia Feriata v. ΣΚΙΕΡΙΑ, nempe quod Aleae Arcadiae oppido in honorem Bacchi celebrabatur, tum etiam de Populis Atticae v. ΣΚΙΡΟΝ. Producebatur eo die sollempni indicata supplicatione, populo certatim confluyente, sacrificiis longo ordine incedentibus Liberi Patris simulacrum, pampineis umbratum tempora ramis, carrucae apparatusissimae imponebatur; huicque insidebat adolescentulus e Bacchantium numero, qui Vmbellam deferebat, majestatemque Numinis eo gestu ostenderet ac declararet: Meminit hujus Festi Pausanias in Arcadicis, ubi Aleam Argolici conventus participem describit. *ἐστὶ τῷ Διονύσῳ τοὺς καὶ ἄγαλμα. τὴν παρὰ τοὺς Σκιερίαν ἱερτὴν ἄγναι.* Quae sic censeo latine vertenda: *Est ibi delubrum ac simulacrum Bacchi, in cuius honorem quot annis Festum Umbraculi agitant*<sup>b</sup>. Sane aberrat a Pausaniae sententia ac narratione Joachimus Kunius dum *παρὰ τοὺς σκιερίαν ἱερτὴν ἄγναι* sic reddit: *Huic anniversarios dies Festos agitant*<sup>c</sup>, nec satis mirari queo cur id, quod rei caput erat, silentio praeterierit, nempe vocem *σκιερίαν*; nam praeterquamquod peccat ipsa versio, ritus deportandae Vmbellae in Dionysiacis ita proprius & constans maxime apud Graecos, ut inde festi nomen deductum sit; quod vel ipsi Lexicographi vident, atque animadvertunt. quare Hesychius v. Σκιὰς in hunc modum interpretatur. Σκιὰς, ἡ ἀνὰ δένδρας, καὶ σκηνὴ ὀροφομένη, καὶ τὸ θολῶδες σκιὰδον ἐν ᾧ ὁ Διόνυσος κάθεται. *Sciās: vitis arbutifera, & Tentorium concameratum, & Vmbella Fastigiata, sub qua Bacchus consider*<sup>d</sup>. Eundem profecto morem qui apud Aleae oppidanos viguit, puto retinuisse Eleutherenses, qui Atticam & Boeotiam olim dirimebant. Aedem Libero Patri dedicatam signumque ejus habebant, hocque, teste eodem Pausania, agmine composito deducebant, utque reor, Vmbella tectum, opertumque, quod in re non dubia iterum adnotare ille putavit non necessarium. καὶ τοὺς οὖ

B

μέγας

<sup>a</sup> Lib. vii. Cap. xxxiii. Edit. Johan Henrici Ledeburii Amstelodami 1706.

<sup>b</sup> Arcadica sive liber vii. cap. xiii.

<sup>c</sup> Pausaniam edidit Lipsius 1690.

<sup>d</sup> Lexicon. cum Not. Varior. Lugdun. Ba.

169. 1668. Nota Indiligentiam vitorum ceteroqui doctorum qui Hesychio edendo opera impenderunt: omnes ad unum ἀροφώδης (scilicet) putant pro ἱερτῇ.

## ( X )

μέγας ἔστιν, ἐς ὃν τῷ Διονύσει τῷ Ἐλευθερίῳ τὸ ἄγαλμα, ἀνα-  
πᾶν ἔπος κομίζουσιν ἐν πεπραγμέναις ἡμέραις. *Est igitur Bacchi Liberato-*  
*ris Fannum, non sane ingens, in quod signum ipse singulis annis,*  
*statis diebus deportantur.*<sup>a</sup>

At quo magis res perspecta atque explorata sit, disertissi-  
mum Athenaei testimonium recitabo ex eo libro, quo univer-  
sam Bacchi pompam Vmbellaeque usum enarravit. Postquam  
igitur descripsit Alexandriam maxima celebritate omnis generis  
hominum florentem, populumque profusa hilaritate dies festos  
agitantem, quos in Liberi Patris honorem indixerat Philadel-  
phus; postquam oculis quasi subjecit Hierophantas vel Phal-  
los, vel myiticam Vannum gestantes; acclamationes ad tibiam  
fundentes, aut inania cymbala, & aerea nablia collidentes:  
hinc Maenades hederigeras capita retrorsum vi jacentes, illinc  
Bassarides fluxis passisque crinibus thyrsum quatientes, magni-  
ficentissimum Dionysii currum sic exprimit: *μετὰ τούτων περὶ*  
*κυκλὸς πενκῶν πσσαρισκαίδεκα, ὁκτώ δὲ τὸ πλάτος ἦγεντο ὑπὸ*  
*ἀνδρῶν ὀγδοήκοντα καὶ ἑκατὸν. ἐπὶ δὲ ταύτης ἐπὶ τῷ ἄγαλματι Διονυ-*  
*σίου δεκάπηνυ, σπείρον ἐκ καρχησίου χρυσοῦ, χιτῶνα πορφυρῶν*  
*ἔχον διαπέζον, καὶ ἐπ' αὐτῷ προκωτὸν διαφανῆ. περιβεβίσλητο δὲ*  
*ἱμάτιον πορφυροῦν χρυσοποιίκλον. . . . . ἑξήχθι δὲ σαιάδα. Post*  
*hos quatuor rotis currus agebatur a centum & octoginta viris, longus*  
*cubitos quatuordecim, latus octo, in quo stabat simulacrum Bacchi,*  
*cubitorum decem, ex auro carchessio, Libantis cum tunica purpurea*  
*ad talos demissa, ac super ipsa Crocota pellucida: extima autem ves-*  
*tis circumjecta purpurea fuit auro variegata. . . . . Vmbella (eam*  
*statuam) operiebat.*<sup>b</sup> Ut vero jam nulla dubitatio sit siue  
scriptorum verba, siue vetustatis reliquias spectare velimus,  
quin judicemus Vmbellam in sacris Dionysiacis adlatam con-  
stanter fuisse, praestat recensere monumenta, quae ad id con-  
firmandum videntur aptissima.

## . CA-

<sup>a</sup> *Attica siue liber 1. cap. xxix.*

<sup>b</sup> *Dionysiorhiz. lib. v. cap. xv.* Hanc statuam  
aurei tripodes, aurei cetera, aureaeque so-

ronae circumambiebant. Insidebat eidem cur-  
cul statuam Nyctae, quae est Indiae urbs a Bac-  
cho condita.

( XI )

C A P V T   S E C V N D V M.

*Monumenta aliquot σκιάδιοφόρησιν Baccho sacram referentia .*

*Sardonyx nunc primum evulgata . Pictura Vasis Tuscanici*

*perperam a Montfauconio explicata . Vetus Lapis*

*ΔΙΟΝΤΕΟΥ ΣΚΙΑΝΘΙ restituatur .*

**E**A maxime animis affigi nostris ajebat apud Tullium Simo-  
nides , quae essent a sensu tradita atque impressa . Itaque  
ut quod jam scriptorum testimonio percepimus , etiam oculo-  
rum commendatione menti tradatur , sub aspectum ponam ve-  
tera monumenta , quae σκιάδιοφόρησιν Libero Patri sacram ex-  
hibent contuendam . Primum est anaglyphum bene longum ,  
quod ad zophorum praeclarissimi alicujus aedificii exornandum  
quondam puto adjectum , editum a Boissardo <sup>a</sup> , recusum dein-  
de a Montfauconio <sup>b</sup> , atque a Gronovio <sup>c</sup> . Alterum est gem-  
ma operis exquisiti & minime vulgaris , cujus exemplar atque  
effigies existat in Collectione Embermayerii ab erudito Baie-  
ro notis perpetuis illustrata <sup>d</sup> . In hac potissimum Dionysius  
curru vectus , temulentus , vinoque confectus , demittens ca-  
put , obliquans cervicem visitur , cui adstat Ariadne , iisque  
advolat . Cupido duplex : alter Flabello languescentem Jac-  
chum veluti refrigerat , alter Umbella defendit . In anaglyptis  
vero marito quidem assidet uxor , sed Umbella , fulcro quo-  
dam , currus balaustio infixam videtur . Hisce monumentis ter-  
tium adjicimus , quod ad Liberum Patrem pertinere nulli du-  
bitamus ; estque gemma tota sui specie existans , quae nunc  
primum in lucem prodit ex Museo V. Cl. Philippi de Stosch ,  
a quo humanissime accepimus .

B 2

Vti-

<sup>a</sup> *Admiranda Mem. Urbis Romae Num.*


<sup>c</sup> *Antiq. Graec. Tom. 1.*

XXXXI -

<sup>d</sup> *Theaurus Gemmarum Tab. XLII. Novim.*

<sup>b</sup> *Antiq. Expliqu. Tom. II. Part. 1. Tab. bergae 1720.*

LXXVI.



Vtinam pars fracta hujus Sardonychis superesset , totumque σχηματισμὸν personarum exhiberet ! sed ex puellorum gestu Flabellum , Umbellamque deferentium facile conjectabit quisquis artificem Bacchum caelavisse venas inflatum nectare dulci atque jacentem ; nam si haec nostra Sardonyx cum gemma Embarmajeriana comparetur , coelaturae delineatio ita persimilis , ut eodem utramque spectare mihi facile persuadeam . Accedit quod nulli Deorum , nisi Dionysio , Umbellam adpositam hucusque praefetulerint vetera monumenta . Erunt fortasse qui mirentur adpositum hic Genium alterum Lyræ pulsantem , vel carmina canentem , quod Baccho extraneum , atque incongruens illis videbitur . Sed multis argumentis , eisdemque historiae consentaneis permotus sculptor hucce symbolum potuit adjacere . Apollini quidem Lyra dicata , at quae huic Numini data ,

( XIII )

data, Baccho aliquando communia. Quid ipsius simulacrum, Lyssippi opus, in Helicone positum, quemadmodum a Pausania memoriae proditum est<sup>a</sup>? Non ne Pierius ille *Διόρυπος* mons, in quo Apollo confidebat, etiam Baccho sacer habebatur? ita plane Euripides Iphigenia in Tauris.

*Βαχχίουςας Διορύσου*

*Παρθένιον κορυφάν*

*Consecratum Baccho*

*Parnassium cacumen.*

Qui item in Lycimnio Apollinem, Liberumque unum eundemque Deum esse significari scribit<sup>b</sup>. Nec id naturae ipsius alienum, quum ipse Bromius Vates, Vatumque praefes crederetur. Aeschylus sane apud Pausaniam<sup>c</sup> secundo Bacchi auspicio Tragoediis scribendis animum appulisse fassus est. Numisma insuper exstat Familiae TITIAE, quod interpretationi huic meae firmiter adiungit. Praefert barbatum Bacchi caput, dependente capillorum cirro, & diademate alato decorum. Versum, Pegasus posterioribus insistens pedibus ad volatum se erigens, cum lemmate *Quintus Titius*. Omnes in eo conveniunt antiquarii (inquit Havercampus<sup>d</sup>) ut poetae alicujus insignis cui Titio nomen fuerit, memoriam hic celebrari credant. Vrsinus atque Begerus ad Titium illum Lyrica, & Tragica poesi clarum, de quo Horatius Epistolarum lib. 1. Epist. 111., pertinere sunt arbitrati. Havercampus vero nummum cūsum existimat in honorem Caii Titii, quem studebant imitari L. Afranius, quemque laudibus effert Cicero in Bruto cap. XLV. Vt cumque res se habeat, Bacchus cum Pegaso, nempe Musarum symbolo, merito jungitur, quod Deus hic poeticis certaminibus maxime praesideret. In nostra hac Gemma, Lyram exscalpsit eruditus caelator, quae musis aptissime tribui solet. Haec scribenti mentem subit Graecum excellentis operis anaglyphum; quod Genuae est in Museo PP. Scholarum Piarum, de quo multa jam inde ab anno MDCCXLII. mihi perscripserat Cl. P. Petrus M. de Ferrariis. Exhibet Bacchum *Musicum*, sive *Μελόμανον*, quem coluisse Acharnenses tradit

<sup>a</sup> Eliacorum 11. sive lib. vi.

<sup>b</sup> Macrobius Saturnal. lib. 10. Cap. xviii.  
Edit. Gronovii.

<sup>c</sup> In Atticis sive lib. 1.

<sup>d</sup> In Thesaur. Morelliano Tom. 11. Anstet.  
led. 1734.

## ( XIV )

tradit idem Pausanias <sup>a</sup>. Rupi insidet Bacchus , laeva Diotae incumbens , dextramque velut cantus modulator attollit ; ante illum Nympha Cithara sonans ; pone hanc Faunus imberbis canens ; hinc Faunus alter tibiis paribus ludens , illinc Nympha alia sedens , sub qua musica quaedam prostant instrumenta . Eximium hoc , singulare , nec adhuc , quod sciam , editum marmor , penè dixerim , prae oculis habuisse Horatium dum ea fudit carmina :

*Bacchum in remotis carmina rupibus  
Vidi docentem , credite posteri ,  
Nymphasque discentes , & aures  
Capripedum Satyrorum acutas <sup>b</sup> .*

Quae omnia dum animo colligo , rationem luce , & palam me reddidisse puto , cur inter Liberi Patris insignia Lyra recenseatur , & quam congruenter in Sardonyche Stofschiana Vmbellae copuletur ; scilicet , ut in omnium oculis positum esset ; Dionylius Musica , & Poesi delectari .

Supereſt vas fictile Muſei Gualterii aquilo , luteoque colore pictum , Vmbellam repraeſentans . Hoc Dempſterus protulit *Etruria Regali* <sup>c</sup> ; ac Vir ille doctiſſimus nil niſi *Tibiarum uſum* apud Etruſcos in ludis & funeribus duxit perpendendum in hac pictura . Montſauconius etiam ſuae collectioni cenſuit addendum <sup>d</sup> ; ſed dum ab antica poſticam partem dividit atque ſejungit , ut mihi quidem videtur , falſum de eo ſchemate tulit iudicium ; in ea namque ſum ſententia univerſam picturam ad Bacchum omnino pertinere , ac me deprehendiſſe conſido quo tota res ſpectet . Recitabo primum Montſauconii verba , quibus vas ipſum deſcribitur , opinionem deinde meam aperiam , ac confirmabo . *Prima vaſis facies* , inquit ille , *Bacchum cum ſua turma exhibet . Bacchans vir agmen ducit facem geſtans . Bacchus ipſe poſtea iter carpit Thyruſum tenens , & pallium geſtans in poſteriora rejeſtum , quo nuda non operiantur . Bacchantem ille mulierem tibia ludentem reſpicit . Poſtea accedit Bacchans ſenex forteque Silenus , qui diſcum tenet ſive lancem . In altera vaſis facie longe aliud*

<sup>a</sup> In Attic. <sup>b</sup> Carminum lib. II. Ode XII.  
Ad uſum Delphic.

<sup>c</sup> Lib. I. cap. LXVI. pag. 383.

<sup>d</sup> Supplement. Tom. III. Tab. XXXVII.

( XV )

aliud spectaculum cernimus . Statim tres visuntur mulieres , quarum duae sedent , altera stat . Ex illis una Vmbellam gestat hodiernis Vmbellis similem . Hinc cernitur columna , cui insidet Deus quispiam , sive Dea , quam facile non agnoveritis . Id itaque primo arripio ad reprehendendum quod in altera vasis facie spectaculum a prima longe dissimile cerni affirmet , quum ibi mirabilis quaedam continuatio seriesque rerum existat , ut alia ex alia nexa ; & omnes inter se aptae , colligataeque videantur . Qui chorum ducit , facem utique gestat manuque attollit , sed qui illum insequitur Bacchans est non Bacchus ipse ; atque hic Bacchantem , non tibia , sed tibiis paribus ludentem respicit ; postremo non Silenus discum aut lancem tenens , sed Bacchans alter Tympanum efferens . Atque hi omnes festum agitant , quod Græci ΛΑΜΠΤΗΡΙΑΝ dixerunt Celebrabant potissimum Pelenses in Achaja in honorem Bacchi τῷ λαμπτήριος facies in templum noctu inferentes & vini crateres passim per Urbem disponentes . De eo Pausanias τῶν τε καὶ λαμπτήριον ἱερὸν ἄγνισι καὶ δῶδας τὸ ἐς τὸ ἱερὸν κομιζουσιν ἐν νυκτὶ . Huic ( i. e. Baccho ) etiam festum celebrant Lampetiam , & tum facies in Templum noctu ferunt <sup>a</sup> . Quae in altera vasis facie visuntur minime sunt dissocianda , tum quia mos fuerit pictorum totam vasorum superficiem rebus in orbem obducere , quae ad unum referrentur , tum quia Vmbella Baccho maxime conveniat . Itaque , ut opinio mea fert , Mulieres quae adstant , huic pompae interfuerunt , vel eam spectaturae juxta columellam , cui insidet Bacchi signum , convenerunt . Altera ipsarum gestat Vmbellam , & vel hac usae sunt in deportatione simulacri , vel eam pictor adjecit , ut ad Dionysium universum spectaculum pertinere intelligeremus . Neque omnino alienum a pompa Dionysia , in qua plerumque immoderata libertas , intolerandaque licentia , quod hic mulieres vestibus suis modestissimos praeferant mores ; exemplum petam ex Vase Bacchico Musei Kempiani <sup>b</sup> , ubi mulier pudice , & elegantissime vestita conspicitur . Quod quum ita sit , veteres & merito , & jure Vmbellam religionis causa

<sup>a</sup> In Achaicis sive lib. vii. <sup>b</sup> Monumenta Vetustatis Kempiana pag. 124. Londini 1720.





## (XVII)

vinius<sup>a</sup>, quorum diversa judicia nunc expendere oportebit. Montanus legendum putat ΣΚΙΑΝΘΙΟΥ, vel ΣΚΙΑΝΘΙΕΝΣ, vel etiam ΣΚΙΑΝΘΙΑΟΥ, atque πὸ ἰθρικόν esse censet vocis Σκίας, quod est Arcadiae oppidum umbroso, & opaco loco situm. Sed Salvinus tota sententia ab eo dissentit, nam locus unde Bacchus sic poterat denominari, debuit esse Σκιάμβος, ex quo derivetur ΣΙΑΝΘΙος; namque, inquit, ἀπὸ τῆς Σκίας esset Σκιάδιος. Quis Salvinio repugnabit & obstitet, homini scilicet, qui graecarum litterarum studio tantam contulit operam, ut omnes in eum transmigrasse crederentur? Sed quum infinita sint in antiquis marmoribus, quae necessario postulant emendari, Inscriptionem ita restituendam arbitror, ut cognomentum hocce non ab oppido Libero Patri sacro dedicatoque, vel ab alio derivandum sit, sed abs ritu gestandae Vmbellae. Quod antequam faciam, hoc quoque notandum est, Cl. Scipionem Maffeiū<sup>b</sup> omni doctrinae genere excultissimum existimasse, primam etiam Inscriptionis lineam emendatore indigere; nempe quum marmor votivum sit, legendum Διοτύσῃ ε; res tamen exemplo non caret, si Διοτύσῃ κατὰ πρόσταγμα latine reddatur: Imperio Bacchi. Formulae illae Imperio Veneris: Jussu Apollinis &c. & similia prostant in quavis Epigrammatum collectione. Inscriptionem itaque in hunc modum lubet restituere, ac latinitate donare, πὸ σκισθι mutilum verbum esse reor, cui litterae aliquot sint addendae ad accommodatissimam significationem constituendam, scilicet suppleo ΣΚΙΑΝΘΕΝΤΟΣ, id est Vmbra tecti; vel ut Plautino utar verbo, Vmbatici. Nam quemadmodum Bacchus modo dictus est λύσιος, quod mentem blande leniat; ἐπιλήσιος, quod vindemiis, & torcularibus praefit; ἐρορχος, quo ejus sacra cum tripudio agerentur; θρίαμβος, quod primus triumphum duxerit; μετρηφόρος, quod ejus caput mitra religaretur, si nimio vini haultu nutaret; παρθηκοφόρος, a terula, cujus usus in ejus Festis frequens erat &c. ita denominatus aptissime, propterea quod Vmbellam aequae ac mitram, & Ferulam in sacris sollemnibus obtineret. Vereor equidem ne

C

haec

<sup>a</sup> Apud Græcum ubi supra.

<sup>b</sup> Ibidem.

<sup>c</sup> Reinceii Index habet Διοτύσῃ ενιδέσθ, quid

sibi velit, haud satis percipio, nisi ruter idem esse ενιδέσθ, ac ενιδένειν, vel εναντιπαρ-  
σένειν.

## ( XVIII )

haec nostra lectio in vituperationem cadat recentium Grammaticorum, nimiumque nos pro libito arbitrari hi affirmet, quum juxta eorum praeceptiones scribendum foret ΣΚΙΑΣΘΕΝΤΟΣ; sed illud erunt admonendi, Graecos litteram N alteri asperioris soni proximam vel praetermisisse, vel cum alia commutasse *ἐνσπῳρίας* gratia. Sunt haec in promptu apud Scriptores de pronuntiatione Graecorum, ac praecipue in Dialogo Erasmi. Ex eo autem, quod hic loco Σ sit N, ni ego fallor, vetustissima hujus marmoris aetas emergit; sculptum enim videtur dum adhuc graece litterae admodum impolitae rudesque essent, quibus deinde doctorum hominum, maximeque poetarum diligentia suas contulit venteres. Habe jam latinam Epigrammatis versionem

*Ex . Jussu*

*Bacchi . Vmbratici*

*Marcus . Pinarius*

*Proclus . &*

*Aristobolus*

*Aristoboli . Filius . P.*

Hic si de Dionysio finem faciam dicendi, satis diligentiae meae, satis causae, & controversiae fecisse videar; sed nonnulla adhuc sunt ex Hebraeorum antiquitatibus huc accersenda, quo disputatio cumulatus tractetur.

## C A P V T T E R T I V M.

*Judaeos Hellenistas in celebrando Festo σκηνοπηγίας multa ab Ethnicorum Bacchanalibus flagitiose adscivisse. Nec tamen omnino credendum Plutarcho, Judaeos se totos Idololatriae devovisse affirmanti. Narrantur ea, quae in Festo Tabernaculi formam habuere Dionysiorum. Nummus Agrippae senioris explicatus. Bacchicam σκηνοπηγίαν apud Hebraeos collabente Rep. vere obtinuisse.*

**N**eminem latere arbitror permulta esse in Ethnicorum moribus, quae sacrae Scripturae interpretandae aptissime advocentur, lucemque afferant quamdam institutis Hebraeorum

## ( XIX )

rum explicandis . Sollemne apud illos *Festum Tabernaculorum* ἑορτὴ σκηνῶν, vel σκηνοπηγία, vel *Festum collectionis*, quod a die xv. usque ad xxi. mensis *Tisebri* singulari hilaritate, ac pompa agebatur . *Institutum* quidam putant in memoriam protectionis, quam Deus Israelitis desertum transeuntibus nube dedit, sub cujus umbra tamquam sub tuto *Papilione* iter faciebant<sup>a</sup>. Longe verius quod alii scribunt rationem ejus Felti fuisse commorationem Patrum, ac majorum suorum in Tentoriis ac Papilionibus, ut auctor Levitici disertis verbis testatur<sup>b</sup>. Dum etiam Exodi auctor inductum scribit in sollemnem gratiarum actionem pro collectis frugibus<sup>c</sup>, & acta feliciter vindemia, quare a Theophylacto dicitur ἡ χαριστικὴ ἐπὶ συγκομιδῇ τῶν καρπῶν<sup>d</sup>. Porro τῆς μεγίστης ἑορτῆς caeremonias jussu Dei Moyses ipse praefignierat, ac constituerat . At quum Judaei jugiter in Idololatriam proclives, nativam perfectamque religionem, quam coelitus acceperant, peregrinis ac superstiosis ritibus contaminaverint, atque corruerint, tum in celebrando Tabernaculorum Festo, multa ab Ethnicorum Bacchanalibus videntur adscivisse . Cujus quidem turpissimae corruptelae potissimum in causa extitit Judaeorum cum Graecis familiarior consuetudo, quae vel maxime ab obitu Alexandri M. intercessit<sup>e</sup>. Igitur quia collabente judaica Republica in hoc celebri Festo, praeter alios Bacchicos ritus, nisi me fallit animus, Vmbellae usum in vectum non obscure perspicio, aggredior rem quam diligentissime expendere, momentoque suo ponderare .

Compertum sane mihi est, Ethnicos Scriptores, qua insci-

C 2

tia,

<sup>a</sup> Thomas Goodwinus *Moses & Aaron sive civiles & ecclesiastici Ritus* lib. iii. cap. vi. *Francfurti 1716. edit. Hottingeri Goodwini Neptis.*

<sup>b</sup> Levit. xxi. 1. & 47.

<sup>c</sup> Exod. xxi. 1. v. 16. V. Conradum *Mel: Antiquarius Sacer, de Usu Antig. Judaicarum Graec. Roman. in exemplum Scripturae duct.* Gr. Joh. Meyrum *de origine & causa Festorum Judaicorum.* Conradum *Iherosum Antiquit. Hebraica. P. 1. cap. xii. de Temporibus sacris* 5. 19. *Bermae 1735.*

<sup>d</sup> In Johan. vii.

<sup>e</sup> Alexandri Magni successores de summa Imperii contententibus, Judaeorum terra mo-

do Aegypti modo Syriae Regum ex gente Macedonica praeda fuit. His regnantibus facile Graecorum moribus adhaeruerunt Judaei: potissimum quum Ptolomaeus Lagus Philadelphi Pater multitudinem eorum in Aegyptum deduxit. Longe nequiora sub Antiocho Epiphanie acciderunt. Quum ipsius dominatu omnia tenerentur, graeci consuetudines in sacris & civilibus ritibus Judaeos partim suppliciorum metu, partim voluntatis illecebra imitatus fuisse legimus *Macab. 11. 14. 10. 11.* Ceteris exemplo fuere par illud impium ac scelestum Jason atque Menelaus, tum etiam Aristobulus. V. *Ioseph Antiquis. Judaic. lib. xii. & xiii. Edit. Amstelredam. 1726.*

tia, qua studio partium corruptores antiquitatum Hebraicarum extitisse, & quae in eorum libris supersunt Judaicae gentis vestigia plerumque mendosa esse ac depravata\*. Non est tamen cur omnino Plutarchum reprehendamus propterea, quod *σκηνοπηγίαν* a Judaeis more Bacchantium peractam adfirmet: minime a vero abest si dicatur id serius contigisse, scilicet Plutarchi aetate; contigisse autem praeter omne divinae legis praescriptum, & contra primaevum morem. Ceterum plena errorum sunt omnia, quae subdit, nempe hoc Festum Libero Patri fuisse dedicatum, Bacchumque ipsum a Judaeis coli. Is quidem in hunc modum scribit: *πῶς μεγίστης καὶ πελειοπαῦς ἱερῶς παρ' αὐτοῖς ὁ καιρὸς ἐστὶ καὶ ὁ τρόπος Διόνυσον προσήκων. πῶς γὰρ λογομένην νηστίαν ἀμαρτύνει τρυγῆτόν τραπέζας τὴν προτίθιναι παινοδαπῆς ὁπάδας, ὑπὸ σκηναῖς τὴν καθίσαι, ἐν κληματῶν μαλίστα καὶ κίττῳ διαπεπλεγμέναις, καὶ πῶς προτέραν πῶς ἱερῶς σκηνὴν ὀνομαζουσιν. Ολίγους δὲ ὑστερον ἡμέραις ἄλλῃ ἱερῇ ὥς ἂν δι' ἀνιγμάτων, ἀλλὰ ἀντικρὺς Βάκχῳ καλυμένῳ πλοῖσιν. Ἐστὶ δὲ καὶ κραιποφορία τὴν ἱερῇ καὶ θυρσοφορία παρ' αὐτοῖς, ἐν ᾗ θυρσος ἐχθοπὺς εἰς τὸ ἱερὸν εἰσίσαισι. εἰσελθόντες δὲ ὁ τὶ δρῶσιν ἐκ ἴσμεν. εἰκός δὲ βακχεῖαν εἶναι τὰ ποιούμενα. καὶ γὰρ σάλπιγγι μικραῖς, ὥσπερ Ἀργεῖοι τὴν Διονυσίους, ἀνακαλυμμένοι τὸν Θεὸν χρώσκει. καὶ λιθαρίζοντες ἔπροι προσίσαισι, ὥς αὐτοὶ λευίτας προσονομαζουσιν, εἴτε παρὰ τὸν λύσιον, εἴτε μᾶλλον παρὰ τὸν Ἑυριον πῶς ἐπικλησέως γαγγυμένης. Maximae, & perfectissimae (Judaeorum) sollemnitatis & tempus & modus cum Bacchi sacris congruit. Quod enim ipsi vocant jejunium, id sic celebrant, ut maxime fervente vindemia proponant mensas, in quibus expositae sint omnis generis fruges: & sub Tabernaculis desident, potissimum e palmitibus & hedera, quae contextuntur: & diem, quae Festum antecedit Tabernaculariam nominant. Paucis vero post diebus aliud Festum non obscure, sed omnino aperte Baccho nuncupatum celebrant. Est etiam apud eos sollemne Festum craterophoria (crateris gestatio) & Thyrsophoria, ubi Thyrsos gestantes in templum intrant: quid intus faciant, ignoro. Credibile est Bacchi ab iis sacra peragi. Nam tubis exiguus sicut Argivi in Bac-*

a Singlari libro id docet Christianus Wormius de corruptis Antiquitatibus Hebraearum apud Tacitum & Martialem vestigiis.

## ( XXI )

*Bacchanalibus utuntur, ut Numen evocent: & alii progrediuntur citharis ludentes, quos ipsi Levitas appellant, sive a Lyso, sive ab Evio<sup>a</sup> potius ita dictos<sup>b</sup>. In hoc quidem splendide mendacem ajo esse Plutarchum, quod Judaeos aperte & large dñs Ethnicorum cultum adhibuisse scribat.*

Venio nunc ad ea, quae in Festo Tabernaculi similitudinem & formam habuere Dionysiorum; sequar autem Jo. Gothofredum Lakemacherum, qui acute, multisque verbis disputavit de Ritibus quibusdam Bacchicis a Graecis ad Judaeos derivatis<sup>c</sup>. Praemonuimus itaque cap. I. Bacchi sacra noctu plerumque exerceri; eodem ferme modo vesperscente jam die in Atrium turba seminarum confluebat Festum Tabernaculorum actura. De quibus sacris pervigiiliis ex divinarum litterarum testimonio permulta sunt apud Petrum Zornium<sup>d</sup>, & Joh. Christophorum Harenbergium<sup>e</sup>. quamquam populi hujus sollemnitates ferme omnes nocturno tempore celebrari consuevisse, non in scite evincunt Joh. Ligtfootus<sup>f</sup>, & Campegius Vitringa<sup>g</sup>. Deinde cap. II. in Bacchi Templum Lampades, facisque accensas inferri adnotavimus; quod etsi in Panathenaeis, Hephestiiis, Prometheis usuveniret, Dionysio tamen ab Aristophane potissimum adjudicatur: οὗς πικραὶς σιλαγῇ Κωμῶνις Διονύσιος cum saedis fulget comessator Bacchus<sup>h</sup>. Simillima narrant Talmudici de Festo Tabernaculorum, in quo viri primores ac religiosi facces ardentes inter saltandum in altum jaciebant, delapsasque manibus rursus excipiebant. Quid dicam de saltationibus a Bacchantibus artificiose institutis? Δαίμων Ἐρόρχης Lycophroni dicitur ipse Dionysius<sup>i</sup>. Quid de cymbalis, nabliis, tibiis, que, aut de vociferatione? de amphorae & calathi gestatione? de ramorum agitatione? quid tandem de comessationibus & comotationibus? notissima haec dum Baccho sacra haberentur.

<sup>a</sup> Symposiacum lib. 17. Edit. Nylandri Francfurti 1599.

<sup>b</sup> Utrunque Bacchi nomen. V. Banier. Explication Historique des fables Tom. 11.

<sup>c</sup> In Observationibus Philologicis Tom. 1. Obser. 11. Hinceladii 1715.

<sup>d</sup> Opuscula sacra Tom. 1. de Vet. Hebrae. Pervigiis sacris Altonaviae 1743.

<sup>e</sup> Existat in Bibliotheca Bremensi Classe VII. Fasciculo 1.

<sup>f</sup> In Horis Hebraicis ad Marci 117.

<sup>g</sup> Comment. in Esaiam xxv. V. Critic. Sacr.

<sup>h</sup> In Nubibus. Edit. Ludolph. Kusteri. Amsterdami 1710.

<sup>i</sup> In Alex.

( XXII )

tur . Verum turpes ac flagitiosas ejusmodi caeremonias a Graecis ( praesertim sub Regibus Aegyptiorum Syrorumque Macedonicis ) didicisse , & aliquando nequiter retinuisse Judaeos recentiores legisque desertores probat idem Lakemacherus , cujus verba , atque allata ab eo testimonia exscribere supervacaneum duco . Nunc quod in hac re primum interest , conficiamus .

His itaque graecorum ritibus imitandis quum perditae incumberent , nihil miror si vel ipsam Umbellam more Bacchico in Festo Tabernaculi deferrent . At inquires , ubinam ejus moris indicia ? in nummo Agrippae Senioris abs Judaeis Hellenistis percusso , quem subjicio conspiciendum .



Diu multumque haesit Cl. Spanhemius , ut ipse fatetur <sup>a</sup> , quo referenda essent symbola in utraque nummi parte insculpta . Dubitaverat primum , spicas illas fertilitatem Provinciarum , quibus praeerat Agrippa , denotare <sup>b</sup> . Tandem spicarum manipulum ad Festum Pentecostes pertinere opinatus est <sup>c</sup> , pluribusque argumentis eam opinionem tuetur , atque persuadet . De Tentorio autem , quod est in altera nummi parte cum Bocharto Hebraicarum antiquitatum primipilo , atque cum Bouterovio <sup>d</sup> sentit , nempe Festum Tabernaculorum ab eo praesignari <sup>e</sup> , quod communiter probatissimi scriptores concordant plane sen-

<sup>a</sup> De Usu & Praefant. Numism. Diff. v. 111. Edit. Amstel. 1717.

<sup>b</sup> Recte id quidem est suspicandum ; nam Metapontini praef. multis & Siculi , apud quos magna frumenti copia spicas triticeas suis nummis insculpi jussere . Sunt praeterea nummi alii complures , qui id confirmant , ut illud Aemilii Pii cum lemmate ETÖHNIA Fertilitas , ceterisque quos collegit . Illustravitque Chrysostomus Haenteler. Exercitationes Faciles de Nummis Peter. Dialog. xii. n. v. 111. Norimbergae 1741.

<sup>c</sup> Spicarum manipulum in nummo Agrippae Auctor Cimetiotheae S. Genovefae ad Festum Azyrum spectare arbitratur . Gabiner de

Sainte Genovefae Tab. xii. pag. 91.

<sup>d</sup> Claude Bouterovius, Recherches de Monnoyes pag. 10. Paris 1666. Petrus Seguinus in Selectis Numismatibus Parisiis 1684. censuit non Tentorium esse, sed Galcan equina cauda insignitam ; at nummum certe ille viderat nimis dextrum , ut in eam descenderet sententiam .

<sup>e</sup> Joh. Hardouinus quem unum novitas magis quam veritas ad nummos interpretandos semper excitavit , sibi in laude posuit via progredi nullius anrea trita pede , en quid de hoc symbolo proferat . Tabernaculum Hlad Agrippae , & quidem Junioris Ducatum ex S. C. in Judaea commissam indigitare , quo procuratorem gereret

( XXIII )

sententia asseverant. Jam vero quae similitudo hujusce Tentorii cum Tabernaculis. quae a Judaeis pro illa celebritate fabricabantur, dum Moisi leges, & institutae ab eo caeremoniae adhuc custodirentur? Vetera Hebraeorum Tabernacula sub dio constitui oportebat; non intra Portas, aut sub arboris tegmine; nec tegi velis, nec condensari frondibus. Rimulas quoque relinqui fas erat, per quas pluvia illaberetur, Solis radii transmitterentur, Stellae noctu transparerent. Thyrsi olearum, & Palmarum, termites Myrtorum, rami Salicum parietibus, tectisque aedificandis materia aptissima: tectorum vero forma numquam culminata, sed plana. In Nummo autem Agrippae nil visitur, quam Umbella in acumen desinens, ab imbribus pertegens, solis radios arcens: hic nullum terminum aut ramorum vestigium, sed opus textile: aut pelliceum baculo quodam suffultum. Quid tantam effecit dissimilitudinem in Tabernaculis construendis? Ita plane existimo; Foedifragos Hebraeos illos ex longa ac vitiosa cum Graecis consuetudine. apud quos magnificam *καταδίοφρησις* saepe viderant, corrupto contaminatoque judicio illam suis ritibus admiscuisse. Atque eo etiam magis, quod patriis regionibus extorres, ac in exilium exportati diu a suae religionis caeremoniis fuerint prohibiti: id autem facile evenit ob eam rem, ut purioris, castique cultus a Mose inducti obliviscerentur. Vel quod putarent licere sibi tempori servire, & potentissimis suis Regibus obsecundare, Tabernacula sic aedificando, & quod ritum hunc falso arbitrarentur ex his rebus, quae neque in vitiis, neque in virtutibus sunt. Ut ut res contigerit, duo rata fixaque puto, Tentorium in nummo Agrippae a Festum Tabernaculorum pertinere, formam vero Tentorii adeo ab antiquis absimilem atque abnormem indicio esse quidpiam ex Ethnicorum moribus derivatum apud Judaeos Hellenistas obtinuisse.

CA-

reret non regia potestare, sed solo militum imperio: est enim imperatoris assignare ubi Tentoria ponenda, quoque transferenda. V. *Chronologia ex Nummis restituta cum Praefatione de*

*Nummis Heroicis. Parisiis 1691.* At quis tam hebes, quem ista moveant? aut quid negotii est haec portenta convincere?

## CAPVT QVARTVM.

*Qua ratione Umbella deportaretur in Eleusiniis Theſinophoriis, ac Panathenaeis religionis ergo. Ariſtophanis Scholiaſtes caſtigatus. Theſinophoria fuiſſe ἱπποκυρτεία. Numiſma Iuliae Domnae illuſtratus. ΣΚΙΠΑ apud Athenienſes in honorem Minervae Scirades. Umbella in eo feſto quorſum elata. Cur illa albi coloris. Suidas parum ſibi conſtans in ejus deſcriptione.*

**G**raeci quondam, qui omnia, quae ad Deorum cultum pertinerent diligenter pertraſtabant, iſſque nomina naturae officiique apta & convenientia imponebant, praeclare Bacchum, teſte Strabone <sup>a</sup>, appellabant: ἀρχαίτην μυστηρίων τῆς ΔΗΜΗΤΡΟΣ, *Ducem Miſteriorum CERERIS*. Quare quum jam ſuperioribus capitibus traditum a nobis ſit, qui fuerit Umbellae uſus in Dionyſiacis, ſequitur nunc ut explicemus qua ratione deportaretur dum dies Feſti in honorem Cereris, totius Graeciae celebritate, agerentur. In Cereris autem feſtis pradicantur illa Eleuſinia, quae apud Athenienſes nobiliſſima fuerunt <sup>b</sup>. In quem vero finem ea inſtituta ſint ita in promptu eſt, ut diſputatione non egeat. Hoc Graecorum animis inſitum & perſuaſum raptam a Plutone prope Lernam, ubi Fluvius Chimarus labitur, Proſerpinam fuiſſe, quam quum inveſtigare & conquirere Ceres vellet, dicitur inflammaviſſe taedas iis ignibus, qui ex Aetnae vertice erumpunt, quas ſibi cum ipſa preſerret, orbem omnium peragraviſſe terrarum <sup>c</sup>. In ejus memoriam ſacra haec, de quibus tractationem mihi aſſumo, ab Erechtheo Pandionis Filio (a quo Athenis oxordium coepit regum Erechtidarum) dedicata ſunt, aut ſaltem ſollemniori ritu peracta feruntur; & dupliciter Dionyſiacis aſſimilia, tum quia alia τὰ μεγάλα, alia τὰ μικρά, tum quia noctu peragebantur menſibus Antheſterione, & Boedremione.

Cereri

<sup>a</sup> Strab. Geograph. lib. x. Edit. Pariſ. 1620.

<sup>b</sup> D. Auguſtin de Civ. Dei lib. vii. c. xx. Edit. Rom. 1468.

<sup>c</sup> Cuius in Verrem iv. Addito, ſi placet Atnobil verba: Eleuſinia illa myſteria & ſa-

crorum reconditi ritus, cujus memoriam continent <sup>d</sup> nonne illius erroris, quo in ſita conſiſſione Ceres ſiſſa erat ut veni ad Atticam, triſticem attulit frugis, lib. v. Lugdun. 1677.



( XXV )

Cereri etiam Thesmophoria summa religione, devinxit Triptolemus, quae apud Graecos, nocturno quoque tempore, mense Pinapensione, post tritici demessionem celebrabantur<sup>a</sup>. Ea non solum Athenis, sed alibi etiam obtinere, & inventa creduntur in memoriam latarum a Cerere legum, & datarum hominibus frugum. Cetera, quae ad festi hujus originem antiquitatemque spectant, tradit illustris Ezechiel Spanhemius in observationibus ad Hymnum Cereris Callimachi. *Ex Aegypto in Graeciam & a Danaïdibus quidem ac proinde Argos, ubi eadem cum Patre Danao dicuntur adpulsisse, illatum primo hoc Cereris Festum. Θεισμοφóρια a Graecis dictum tradit Herodotus lib. II. cap. CLXX; ita tamen ut recuperata a Doribus Peloponneso, apud solos Arcades idem deinceps remanserit. Multa equidem Eleusiniis aequae ac Thesmophoriis erant communia, atque inter haec gestatio Vmbellae. Scholiastes vetustissimus Aristophanis in Avibus. το σκιαδέιον κατασκιύασματι ὅπερ ἔχουσιν αἱ καθαφοροὶ ἁπιῦσαι εἰς τὰ ἐλδυσί-νια ὑπὲρ τῶ μὴ καίεσθαι ὑπὸ τῶ ἡλίου. Vmbella operculum quoddam, quod gesserunt Canistra ferentes (Virgines) ad Eleusinia, ne a sole adurerentur<sup>b</sup>. Sed hac in re auctor adhibendus ipsemet Aristophanes θεισμοφóριαζεσαι, a quo inter requisita pro Choro Mulierum Thesmophoria celebrantium adducuntur καθαθισκοί, & σκιαδοί. Calathifci & Vmbellae.*

Ἡμεῖν μὲν ὅδ' σῶν ἐτι καὶ νῦν

Ταντίον, ὁ κανῶν, οἱ καθαθισκοί

Τὸ σκιαδέιον.

Nobis enim saluum adhuc etiam nunc

Lisciarorium, scapus textorius, Calathifci,

Vmbella.

Duo tamen in Aristophanis Scholiaste arbitror improbanda. Primum quod Vmbellam non Pompae sacrae supellectilem judicet, sed potius inter utensilia domestica mulierum recenscat. Alterum quod ad solis aestum devitandum a matronis deportari affirmet. Enim vero Aristophanes ipse Calathiscos & Vmbellas

D

perae-

<sup>a</sup> Non quinquaginta, sed annus fuisse ejusmodi sacra probare adducitur Vandale in marmoribus. *Dissert. vet. cap. 11.*

<sup>b</sup> His omnino similis habet Suidas in Lecti-

co v. εκκλίσιν Edit. *Colem. Allobrog. 1619.* & *Cambrige 1705.*

<sup>c</sup> Edit. *Kustleri.*

## ( XXVI )

peraeque memorat : erantque symbolica quædam instrumenta , quibus , aut rerum a Cerere , & Proserpina gestarum recordatio excitaretur , aut quid in his sacris foret agendum præsignabatur . Neque opus erat umbraculo ullo ad Eleusinia . & Thesmophoria abeuntibus , quum mulieres ad illa die vesperascente , & sub occasum solis procederent . Quod autem per noctem Thesmophoria celebrarent , scriptum est ab ipso Aristophane , dum ea , loco laudato , γυναικῶν ἔργα νυκτελεία , mulierum opera nocturna appellat , a quo non dissentit Arnobius : *Vultis enim consideremus mysteria , & illa divina , quae Thesmophoria nominantur a Graecis , gente ab Attica sancta illa PERVIGILIA consecrata sunt* <sup>a</sup> . De Eleusiniis vero , quod noctu agerentur , fusc lateque probant scriptores de Festis Graecorum , quorum auctoritati suffragatur Numisina magni moduli Masaccae in Cappadocia sub monte Argeo . ( cui deinde Caesareae nomen fuit ) percussum in honorem Iuliae Domnae , ΜΗΤΡΟΠΟΛΕΩΣ ΚΑΙ ΑΡΙΑΣ ΝΕΟΚΟΡΟΥ . Existat de more caput Augustae , vorsum autem Genius Urbis : Metae ante , & altera post Genium cum duabus Taedis hinc & inde . Cerialia Graecis ἑλευσινία in Circo noctu peracta indicant ; unde Circi metae & lampades , quod sacra a Matronis luctus causa Cereris filiam cum facibus quaeritantibus celebrarentur <sup>b</sup> .

Celebritati ac pompae τῆς θεσμοφορίων nihil cesserant τὰ παρθέναια in honorem Minervae , quae Athenis potissimum auspiciis diebus agi consueverunt . Nihil ego dicam de sollempnibus ludis . supplicationibus , obambulationibus , musicis aut gymniciis certaminibus illic habitis :

*Debita cum castae solvuntur vota Minervae ,*

*Tardaque confecto redeunt quinquennia lustro ?*

Quid attinet de rebus tam apertis plura requirere ? Tempus tamen , quo celebrabantur necessum est paucis adnotare : Τὰ μεγὰλα παρθέναια itaque XXI I Hecatombeonis , τὰ μικρὰ πόσθριδιε Bendideorum , idest XX Thargelionis . De his autem scribentibus quid frequentius , aut usitatius quam Virginum σκιάδης φέρων commemoratio ? cujus rei documenta qui exquiret , adeat

## (XXVII)

adeat Johannem Meursium, a quo haec copiose tractata sunt<sup>a</sup>. Sed fuit apud Graecos celebrior quaedam dies in honorem Minervae, quae Umbellae sollemni ritu deferendae penitus addicta videbatur, nempe Festum ΣΚΙΡΑ, vel ΣΚΙΡΟΣ, aut ΣΚΙΡΟΝ. Quatuor hic excutienda res suppeditat: Festi hujus ritum, mysticam ejusdem significationem, tempus, quo agebatur, & Umbellae in eo adhibitae conditionem, atque naturam. Haec omnia autem brevi oratione conclusit Suidas. Σκίρα ἱερὴ παρ' Ἀθλωαίοις, ἀρ' ἢς καὶ ὁ μὴν Σιροφοριῶν. Φασὶ δὲ οἱ ῥαΐφαντες περὶ τῶ μινωῶν καὶ ἱερτῶν Ἀθηνέσιν, ὡς τὸ σκίρον σκιαδίων ἐστὶ, μὲθ' ἢ φειρόμενοι ἐξ' Ἀκροπόλεως εἰς τίνα τόπον, καλέμενοι Σκίροι πορεύονται ἢ τῆς Ἀθλωᾶς ἰέρα, καὶ ὁ τῷ Ποσειδῶντος ἱερῶς, καὶ ὁ τῷ Ἡλίῳ. κομίζουσι τὸ Ἐποβυτιάει. σύμβολον δὲ τῷ γίνεσθαι τῷ θεῷ οἰκοδομῆν καὶ σκέπας δὲ ποιεῖν, ὡς πῶς τῷ ῥόνῳ αἰεὶς ὄντος πρὸς οἰκοδομίαν. καὶ Ἀθλωᾶν δὲ Σκιδάδα τιμῶσιν Ἀθηναῖοι, ὡς φιλόχορος μὲν ἐν β'. Ἀτθίδος ἀπὸ Σκίρου τιτὸς Ἐλῶσινί μάντις κεκλῆσθαι. Πραξίων δὲ, ἐν β'. Μεγαρεῶν, ἀπὸ Σείρωτος. . . . . Σκίρος σκιαδίων. ἱερτὴ τίς ἀγομῆν τῷ Ἀθλωᾶ, ὅτε σκιδάων ἱερόντιζον ἐν ἀκμῇ τῷ καύματος. Σκίρα δὲ τὰ σκιδάει. οἱ δὲ ἐν ἔξ' τὸ φασίν, ἀλλὰ ἔξ' τῆς ἀπὸ Σκίρων Ἀθλωᾶν, ὡς Θουδῶς ἐποίησεν, ὅτε ἐπαυῆς ἀποκτείνας τὸν Μινώταυρον. ἢ σκίρα δὲ ἐστὶ γῆ λευκὴ, ὥσπερ γύψος. οἱ δὲ φασίν ἀπὸ Σκίρων τῷ Ἐλῶσινί μάντις γείσται τὴν ἐκωνυμίαν αὐτῷ. ἄλλοι δὲ ἀπὸ Σκίρου τῷ στωικίσματος Σαλαμίνα. Scira Festum apud Athenienses, a quo & mensis Scirophorion appellatus est. Dicunt autem illi, qui de Mensibus & Festis Atheniensium scripserunt, Scirum Umbellam fuisse, cum qua Minervae sacrificula, & Neptuni folisque sacerdos ex Arce in locum quemdam, qui Scirus dicebatur, deducerentur: Eteobutadis<sup>b</sup> Umbellam istam ferentibus. Ea autem res significabat, domos tunc & templa exstruenda esse, quod tempus illud aedificationi maxime opportunum esset. Et Minervam Sciradem Athenienses colunt; quam Philochorus lib. 11 Rerum Atticarum, a Sciro quodam, vate Eleusinio, sic dictam esse tradit. Praxion vero, libro 11 Rerum Megaricarum,

D 2

rum,

<sup>a</sup> Panathænaea, Graecia Feriata, Lectiones Atticae.

<sup>b</sup> Familia nobilis apud Athenienses ex qua

lechi Sacerdotes a Bute Sacerdote sic dicta. Aristophanis tamen Scholiasita a Sacerdotibus Erechthei Regis dictam scribit.

## (XXVIII)

rum, a Scirone quodam . . . Sciros Umbella. Festum etiam in honorem Minervae celebrari solitum, eo tempore, quo ob summum aestum homines Umbellas sibi parabant. Scira enim dicuntur Umbellae. Alii vero festum hoc non inde sic appellatum esse ajunt, sed a Minerva, quam ex terra alba Theseus fecit, cum occiso Minotauro domum redisset. Scira enim est terra alba, ut gypsus. Alii tradunt, cognomen hoc a Sciro quodam Eleusinio vate deductum esse. Alii a Sciro, qui in Salaminem colonos deduxit<sup>a</sup>. Copiose & absolute videntur haec dicta a Suida; Nihilominus pauca addenda sunt, nonnulla dammanda, obeloque fodienda. Ac primo Festum ejusmodi non solum in honorem Minervae, sed etiam Cereris & Proserpinae institutum contendunt alii. Meminit Festi hujus Polyaeus<sup>b</sup>: quo die quum Athenienses insignem & gloriosam victoriam ad Mantineam fuissent consecuti, ejus diei recordatio jucundior apud ipsos, atque sollemnior evasit<sup>c</sup>. Verno autem tempore, id est XII Scirophorionis, quare instantissime hoc dictum est a Suida ἐν αὐτῇ τῇ καύματι in summo aestu, vel in ipso aestus vigore celebrari, eamque ob causam Umbellam eo die geltari. Mense Scirophorione nondum exacto, homines calore majorem in modum minime aestuare quis ignorat? Quod sane vel ipse advertere poterat, qui scripserat Umbellae geltationem in eo Festo indicio esse tempus idoneum advenisse parietibus ltruendis, domibusque exaedificandis, quod unum ferventiori anni parte haud contigit, sed veris tempestate.

Postremo libenter assentior Meursio in eo festo Umbellam fuisse albi coloris; quod tamen non ideo factum censeo, ut illa Simulacro Minervae a Theseo dedicato par esset, atque assimilis, sed quia hic color laetitiae causa adhibitus<sup>d</sup>. Non sum ne scius Herodianum, Plutarchum, atque Arthemidorum<sup>e</sup> affirmasse veteres diebus luctuosus albis vestibus usos fuisse, & qui illis essent induti, moerentium speciem praebere: quod etiam indicavit, atque innuit Homerus, ubi de Patrocli funere<sup>f</sup>.

Sed

<sup>a</sup> Tom. III. Edit. Cantabrig.

<sup>b</sup> Lib. III. Edit. cum Not. Varior. Lugd. Batav. 1690.

<sup>c</sup> De Gloria Athen. Plutarch.

<sup>d</sup> V. Festarium de re vestiarum lib. I. c. XII.

<sup>e</sup> Herodianus Edit. Argent. 1662. IV. 17. Plut. quae. Rom. XXVI. Artemidorus Onirocritica II. 114. Luterius 1603.

<sup>f</sup> Illiad. Σ. Edit. Lederlin.

( XXIX )

Sed etiam cuius pompae hilaritatis plenae, omnibusque apparatissimis spectaculis candida veste inter fuisse traditum est communiter a scriptoribus de Re Vestiaria<sup>a</sup>. Festiva Martialis carmina (si tamen hic fas est) testis loco recitabo<sup>b</sup>. Quamquam id mihi aliquam efficit suspensionem, ut minime a vero abesse tradam illorum sententiam, qui Σαίρω Cereri sacram autumant.

*Alba decet Cererem vestis, Cerealibus albas  
Sumite, nunc pulli velleris usus abest<sup>c</sup>.*

C A P V T Q V I N T V M.

Vmbellam nedum nostra memoria, sed ab ultimis usque temporibus velut insigne & indicium dignitatis habitam fuisse. Id vel maxime apud antiquissimos Persarum Primores. Quid reliquiae Persae. Conradi Stiglizii sententia de Vmbellis, Statutis signisve Heroum adpositis. Jus deferendae Vmbellae a Senatu P. C. minime irrogatum. Vmbella num tegumentum capitis Desporae, & Procerum Byzantinorum? Praetoribus juri dicundo an concessa, atque data?

Vetus opinio est pene ab heroicis usque ducta temporibus dignitatem certis insignibus, atque indiciiis sustentari exornarique. Nam quum ea a Tullio definiatur honesta cultu, & honore, & reverentia digna auctoritas; consentaneum est, ut qui summum, & altissimum gradum obtinent Civitatis, signis quibusdam sui adventus, & conditionis populum veluti admonent, quibus hic percitus, observantia & obsequio illos prosequatur. Insignibus hujusmodi si Vmbellam annumeravero, rem & Scriptorum judicio, & praeclaris monumentis testatam affirmabo. Principio Persarum Reges (ut ab ultimis quorum vestigia supersunt, auctoritatem repetam) Vmbella usi sunt, qua

<sup>a</sup> Adis libros, qui manibus omnium tenentur.

<sup>b</sup> Martialis xv. 11. Edit. Calder.

*Spectabas modo solus inter omnes*

*Nigris unius Horatius lacernis,*

*Cum plebs, & minor ordo, maximusque*

*Sancto cum dace candidus federat.*

*Toto nix cecidit repente caelo:*

*Albis spectavit Horatius lacernis*

<sup>c</sup> Ovid. Fastorum xv. similia habet Metamorph. 2. Edit. Amst. 1717.

qua magnam speciem ac majestatem Regis declarari putabant. Nihil fortasse vetustius ruinis ruderibusque Urbis Persaeopolis in magna & amoenissima planitie, non longe ab Araxe fluvio, quondam sitae, quae etiam num conspicientibus admirationem injiciunt. Urbem hanc magnificentia aedium regiarum insignem aetatem Alexandri M. antecessisse non obscurum opinor, neque absconditum. Columnas, peristilia, pyramides, toreumata, quae adhuc supersunt, viderunt diligentius, prae ceteris Chardin<sup>a</sup>, & Bruyn<sup>b</sup> in doctis peregrinationibus, quas ad eam regionem instituerunt. Quumque ea monumenta describant, aliquot anaglyphta oculis subjiciunt aere incisa, in quibus frequenter videtur Rex, seu alius quispiam ad amplissimum gradum in Vrbe elatus, servorum choro stipatus, atque in eo Ancillae duae, quarum altera Umbellam desert, altera setosa equi cauda, tanquam flabello, muscas abigit. Etiam quum in solio sederent ornatu regali, inter alia majestatis insignia, Umbellae solo infixas retinuisse ostendunt haec ipsa monumenta. Id autem ex eo repetere, quod Reges illi potentissimi, qui se quavis in re praebebant superbos, divinos affectarent honores, vel quod assentatio vitiorum adjutrix voluntati, & arrogantiae Imperatorum blandiens, ejusmodi insignia lubens concesserit.

Sane quum de divinis honoribus, quos homines sibi impudenter tribuerunt sermo sit, hoc quaeri solere non me praeterit, num inter eos recensendae Umbellae, Spherulae, Lunulae, Patellae, quas veteres Statuis, signisque Heroum adposuerunt. Qui de his scripserunt tanta sunt in varietate, & diffensione, ut eorum molestem sit dinumerare sententias<sup>c</sup>, *Mibi*

*quidem*

<sup>a</sup> Voyages de Perse par Mr. Chardin.

<sup>b</sup> Voyages de Gorneille Bruyn. tom. iv. Chap. 111.

<sup>c</sup> V. Hyde de Religione Persarum Oxonii 1704. Persarum Regum arrogantiam, qua Divinitatem sibi tribuebant prae ceteris declarat illud, quod Sapor de se ipso apud Ammianum lib. xvii. Rex Regum Sapor. Particeps Syderum; Frater Solis, & Luna. Quod ex eorum religione derivandum; quum nempe Altra potissimum colerent, eorum primis & maximis se se aequabant; perinde ac Romani quidam Imperatores se Jovi & Herculi assimilabant, quos primores in senatu Deorum rebaunt.

<sup>d</sup> Sal-nuth in nota ad Pancirolium de Reo memorab. tit. xliv. morem Umbellae statuam capitibus adponendi profluxisse scribit, ut ea ab temporum injuriis intacta recta essent, neve ab avibus conspiceretur; habere autem in ea opinione adimplaturam Scaligerum. Horum sententiam prae ceteris improbat, refutatque Ciampinius Vetera Monumenta part. i. cap. xiv. qui perperam in hunc locum accertitan docet Aristophanis & Horatii Iristhaeu. Nonnulli a Mose ejusmodi avitatem aspicantur. Plura qui desiderat adeat Cl. Sebastianum Paulium Dissertat. de numis Antea Valerius pag. 9. & seq. Luca 1722.

## (XXXI)

quidem satis idoneus auctor Conradus Stiglizius in Dissertatione de Lunatis Veterum Gentilium insignibus<sup>a</sup>, cujus iudicium, ut existimo, difficile factu est non approbare. Quantum quidem ego arbitror (ait ille) has Lunulas tanquam divinitatis signa, maiestatem aliquando conciliando dumtaxat habuerunt Gentilium sapientiores. Quemadmodum autem lunularum cornua ad coelum spectare solebant; sic etiam veteres ea invertere, statuarumque capita hoc modo ambeutes, Lunulas *μωιωνες* nominare coeperunt. Quam consuetudinem ex illo Homeri totius Idololatria patris loco, tanquam ex fonte emanasse egomet censeo, ubi aurea nube caput Achillis circumspire dignata est Minerva, atque hinc quoque puto Latinis dicuntur Nimbi. Divina ergo originis fuit iste mos, qui in efficiendis Coelestium Deorum simulacris, hac potissimum de causa observatus videtur, ut capita eorum tecta, & quasi pileata forent: inopertum enim caput signum olim fuit humiliatis, ac proinde ab excelsitate Deorum abhorruit. Harum Umbellarum & *μωιωνων* vetulatem demonstrare, & num ab Ethnicis ritum hunc mutuati sint Christiani, in quorum multis ac monumentis frequens visitur orbiculus & lunata Umbella; an potius illum & Christianae Historiae fontibus hausierint, narratione supersedeo, quum ea de re plena manu jam dixerit Johannes Nicolai<sup>b</sup>. Quae vero maxime notanda sunt in Nimbis inferioris aevi illustravit vir summa & praecellenti eruditione Anselmus Costadonius<sup>c</sup>, quo cum mihi omnia amicitiae, & familiaritatis iura intercedunt. Nunc quae restant de Umbellae dignitate.

Eam amplissimo ordini Patrum Conscriptorum, qui Rempubl. administrabant datam atque concessam legimus apud And. Tiraquellum G. D., eo loco, quo agit de Senatorum splendore, atque ornamentis: *Tantaeque dignationis fuere*, inquit, *sequutis temporibus, ut in oppidis per loca & conventus Umbraculis uterentur*.

<sup>a</sup> Erfordia 1749. §. 2. Fabretti utique Umbellas potest addere in divinitatis, maiestatisque indicium illorum statuis, quoniam Ethnici supra mortales eos credentes suspiciebantque; ac illi persuasum fuit rem derivandam ab illis velamentibus, quibus olim Deorum, & Consecratorum hominum capita amiciebantur. De Columna Trajani cap. 11. Idem sermo Seneca Paulus mor-

ludatus. Ragionamento sopra il titolo di Dio dato agli Imperadori. Lucas 1722.

<sup>b</sup> Joh. Nicolai Disquisitio de Nimbis Astrorum Senae 1699.

<sup>c</sup> Observationes in Graecam pervetustam Iconem signi SS. Crucis. Florentiae 1749. Symbol. litterar. Vol. III.

## ( XXXII )

tur indultum sit<sup>a</sup>. At Tiraquelli fides ex illo imminuitur, quod ea res filetur, si recte memini, ab his omnibus, qui Reip. temporibus vixerunt, & Senatorum insignia posteris indicarunt. Adde huc, quod testem nullum ex antiquis producat: non tabulas, non acta Senatus, non legem ullam proferat. Senatorum, ut ait Tullius, erant Toga praetexta, & Sella Curulis, Tunica Latoclaro purpureo intexta, Calcei Lunati; cum binis Licioribus legationes obire; primos ubique subfelliorum gradus, & pulvillos obtinere. Et Senatores, qui Curules Magistratus gessissent, curru in Curiam honoris causa vehebantur, ceteri pedibus itabant<sup>b</sup>. Sed de Umbella nulla commemoratio antiquitatis, nulla exemplorum prolatio; quod nec quidem reperio in novissimo Tractatu Congersii Middletonii, hominis secundissimae in orbe famae, cui etsi nonnulla memoria excidant<sup>c</sup>, Senatorum tamen privilegia omnia perspecta fuerunt. Ego itaque suspicor Tiraquellum, ut solet, hallucinari, & illi fucum fecisse nonnulla Dionis verba, quibus docet Caligulam Senatoribus caussias Thessalicas in Theatra ferre permisisse, ne insolatione torquerentur. *ὃς πῖλος σφίσι τὸν βιτταλικὸν ἑόρον ἐς τὰ θεᾶζα φορεῖν, ἵνα μὴ τῇ ἡλιάσει παλαιπωρῶνται, ἐπιβᾶν.* Usunque Pileorum Thessalicorum concessit in Theatris (Senatoribus) ne solis ardore laborarent<sup>d</sup>. Haec forte ansam dedere errori, ut Tiraquellus birrum, pileum, caussiam pro Umbella acciperet. Quamquam neque hoc satis illum excusat, quum Dio de Theatro dumtaxat verba faciat.

Sed postquam M. Constantinus, devicto penitusque subacto Licinio, Constantinopolin Imperii sedem delegit, eamque Romam alteram appellari voluit; Graeci omnes, qui ei succedere Imperatores ibidem (donec divino ulciscente Numine illinc pulsi) domicilium habuerunt. Verum Aulae Constantinopolitanae ritus, caeremoniae, officia, quam diversa ab his, quae

Romae

<sup>a</sup> *Dierum Genial. Alexandr. lib. 1v. c. 22. Edit. Weckel.*

<sup>b</sup> *Anus Grillus lib. 111. cap. xv111. Edit. Gronov.*

<sup>c</sup> *Del Senato Romano trattato di Congers Middleton trasportato dall' Inglese. Venezia 1748.* De his, in quibus labi aliquando videtur

Middletonius, etsi ad libros conscribendos diligentiam & industriam contulerit multam, addi Jacobi Tunstall' epistolam ad Con. Nid. Cantabrigiae 1741.

<sup>d</sup> *Roman. Histor. lib. 11x. Recensio. Xylandri, edit. Henric. Stephani 1591.*



( XXXIII )

Romae quondam in Augustorum aedibus observata, & custodia perhibentur ! Frequens illic *Sciadii* mentio. Quid fuerit, quibusque viris illo uti concessum, nunc exquiram. Splendide haec differuntur a Georgio Codino Curopolata <sup>a</sup>. Notatione praecipue digna quae ille habet cap. 111 *de Tegumentis capitis* &c. τὸ περιλαλυμμά τῆς κεφαλῆς πᾶ δισπόπῃ τὸ καλύμενον σκιᾶδιον, ὁ λομύργαρος. ὁ ἀνὴρ αὐτῷ ἔχει ὀνόματα πᾶ φορέντος αὐτὸ, χρυσοκλα βασιλὸν, σурμαπίον. *Tegumentum capitis*, quo *Despota* utitur, quod *Vmbella* seu *Vmbraculum* appellatur, totum ex margaritis constat. *Umbo*, seu ambitus praefert nomina ejus qui gestat illud, *auroclavatus*, *fimbriatum*. Quae si paullo obscura videntur, plana & aperta evadunt egregia J. Gretseri commentatione. *Σκιᾶδιον* ad verbum est *Vmbella*, seu *Vmbraculum*; *tegumentum capitis*, breviter, *pileus*; quo nomine in versione praecipue usus sum. *Aer Sciadii*, seu *pilei*, est *umbo*. *Junius* ubique vertit *Replum*. Aliam insuper notationem habet ὁ ἀνὴρ, significat enim velum, seu tegumentum, quo sancta teguntur <sup>b</sup>. *Χρυσοκλα βασιλὸν*. *Iunius* hic & alibi saepius edit *χρυσοκαδάρεα*, & aureas virgulas interpretatur. *Sed lectio nostra recta est ..... vel si mere Latinam dictionem velis*; *Auriclavus*, seu *auriclavatus*. Erant autem aurei clavi in vestibus segmenta quaedam in formam clavorum efficta, ornatus gratia vestibus addicta. *Сурмаπίον*. *Fimbriatum*, a *syrmate*; quo nomine intelligo utrinque dependentia a *Sciadio*, seu *pileo* quasi reticula, seu funiculos. *Χρυσοκλα βασιλὸν, σурмаπίον*, ut non referantur cum *Junio* ad voculam ὀνόματα, sed ad ipsam *Sciadion*. Ex quibus intellectum puto *Sciadion* istud non *Vmbellam* fuisse, de qua agimus, sed *Pileum*. *Sciadii* autem formam fastigiatam, & in conum assurgentem demonstrant schemmata Imperatorum Byzantinorum adjecta editioni *Basileensi Nicephori Gregorae* <sup>c</sup>. Nihilominus quemadmodum *Vmbella* splendoris dignitatisque causa perferebatur, simili ratione etiam *Sciadion*, sive *Pileus* hujusmodi capiti imponebatur, ab aulae Optimatibus. Sunt haec scripta apertissime

E

me

<sup>a</sup> De officiis & officialibus magnae Ecclesiae & Aulae Constantinopolitanae. Cum observationibus. Jacobi Gretseri. Parisiis 1625.

<sup>b</sup> Testem dat Joh. Chrysostomum in Liturgia.

<sup>c</sup> Basilicae 1562. Sente autem Theodori Lascaris, Michaelis Palaeologi, itemque Andronici V. etiam Bandurium. Antiquit. Constantinop. lib. vi. 111.

## ( XXXIV )

me ab eodem Nicephoro . Πιστὶ γὰρ μὴ τῆς ἐπὶ κεφαλῇ καλύπ-  
 τας ἐπὶ μὲν τῷ ἀποπρον βασιλείῳ ἵθος, πῶς μὲν χρόνῳ ἀποβιβη-  
 κότας ἐν τοῖς βασιλείοις χρῆσθαι καλύπτειν, πυραμίδοις μὲν ἰχθῆ-  
 σαις σχῆμα, Σκευκοῖς δ' ἐνδύμασι καὶ τὸ ἀνάλογον ἐκείνῳ ἀξίωμα  
 καλύπτομεναις . Quod ad capitis tegumentum attinet, apud Superio-  
 res Imperatores moris erat, ut aetate provectiores Aulici proceres pi-  
 leis pyramidatis uterentur pro dignitate cujusque<sup>a</sup>. Proceres vero  
 hoc loco non nisi eos, qui Despotae titulo insigniebantur, ar-  
 bitror indicari. Erant ii Filii, Fratres, Generi Imperatoris<sup>b</sup>.  
 Dum vero ceteros aulicos praestantiores nomino, Magnum,  
 Ducem, magnum Domesticum, Logothetam, Stratopedar-  
 cham, Primicerium, Protovestiaritam, Protosebastum, Pri-  
 mum Secretarium &c. intelligo, quorum capitis tegmen ad  
 Schiadii formam accedebat. Quibus jus esset utendis Sciadis  
 docet Codex Mss. Bibliothecae Regiae sign. 2023.

Toto hoc in genere id reliquum videtur, ut inquiram an  
 Praetori, in quo summa auctoritas, & amplitudo, Umbella  
 concessa atque data sit; est enim locus Manilii Boethii, qui ad  
 conjecturam aliquam faciendam fortasse pertinet. Is namque  
 de *Disciplina Scholarium* haec habet. Similiter Praetoris Suburba-  
 ni filium canicula insignante litteris vidimus mancipatum; cum au-  
 tem SOLITA non gauderet UMBELLA, propria virtute destitutus, icte-  
 riciae poena permollitus, vitalibus tandem spiritibus attenuatus, lym-  
 phatico morbo occubuit<sup>c</sup>. Sed totum hoc, quicquid est, quan-  
 tum ego quidem intelligo, maximas legenti injicit difficulta-  
 tes, neque quod propositum erat, satis expedit. Ac primo li-  
 brum hunc non recte Boethio tributum, opus ne est ut probem?  
 nota res, eruditique viris plane testata longe post Boe-  
 thii aetatem scriptum, & credulitate inscitiaeque quadam, po-  
 tius quam dolo ac fraude, inter ejusdem opera fuisse evulga-  
 tum<sup>d</sup>. Insuper, non de Praetore ipso, sed de ejus Filio sermo  
 hic

<sup>a</sup> Lib. xi. in fin. Uscitiam id apud Orienta-  
 les; quo adduci potest illud ex Historia Petri  
 Patricii in Biblioth. Byzantin. Scriptores. tom. 1.  
 ἐπὶ Δικταίων καὶ Τριαντίν προβέντων ἱερμὰ  
 καλεῖται (ἐπὶ τῶν γὰρ ἱερῶν ἀντὶ τοῦ τριαν-  
 τίνος) Decembolus misit ad Trajanum legatos  
 ex his, qui pileos firunt hi enim apud ipsos Par-

thos sunt honoratiores.

<sup>b</sup> Eulengeres de officiis & dignitatibus  
 utriusque Imperii lib. vi. cap. 1. 2. 3. non  
 semel appellat Cataguczenus lib. vii. cap. xxviii.

<sup>c</sup> Lib. 1. cap. 1. Edit. Basilens. 1550.

<sup>d</sup> V. Fabricium Bibliotheca Latina tom. 18.

( XXXV )

hic est, qui quamvis Vmbellam gestare *consueverit*, id minime praestabat honoris ergo, velut homo ex familia in altissimo dignitatis gradu posita, sed ut aëris intemperiem (& quemadmodum personatus hic scriptor ait) *comburentis aestatis profunditatem* defugeret. Locus itaque revocandus ad ea Vmbracula, quae in peregrinationibus, aut deambulatione, adipiscendi commodi causa, deportabantur, de quibus mox dicere aggrediar<sup>a</sup>.

C A P V T S E X T V M.

*Vmbellae in Theatrum penes Romanos advectae. Ex Campanorum latinitia morem profuxisse Vfus Vmbraculorum in Deambulatione. Ovidii, Martialis, Claudiani, et Aristophanis carmina, quae eo adducuntur. Similiter in Peregrinationibus, ac Venatione. Sponii judicium de Mercurii Petafo refellitur. Nummus ΑΙΤΩΛΩΝ quid referat? Servi Inquilini apud Graecos Vmbellae deferendae addicti.*

**N**Ullum in Romanorum educatione atque disciplina tam sollemne, tamque frequens praeceptum, quam illud, quo scientia rerum perferendarum tradebatur. Quare optimis Reip. temporibus cibi minimi, & vulgares, frequentior pulvis usus, quam panis, vestes pellitae, & incomptae, dolorum contemptio, laborumque perpressio laudatissima. Romanum erat nec toro quidem cubare, nisi humili & modice instrato; in aprico spatium; capite nudato apertoque incedere, aut vestis laciniam vix in caput rejicere (quod ceteroquin Petronius vicio vertit Trimalcioni)<sup>b</sup>; ut his laboriosis exercitationibus, quemadmodum scribit Tullius, si dolor incurreret nonnumquam, ipse labor quasi callum obduceret dolori. Sed quum

E 2

natio

<sup>a</sup> Expōsi fere, ut potui, quae maxime ad Vmbellae dignitatem pertinere arbitrabar. Vnam etiam fortasse rellax; quatenam significatio subit Vmbellae *Insignibus Gentilitiis* quandoque adiectae. Galli, Germanique Scriptores, qui de Stemmaturum ratione, vulgo *Blasone*, disputant, nihil habent, quod exieribam; sed

Inter Italos Eques Beatuslanus nonnulli adnotavit in suo *Araldo Veneto* pag. 192. 2<sup>a</sup> *Ombrella di vermiglio in campo d' argento simboleggia Dominio, e Autorità indipendente, e Difesa di Vera Amicitia.*

<sup>b</sup> In *Convivio Trimalcion* Pallio concinnis *Abrafum* incluserat caput. Edit. *Burmanni*.

( XXXVI )

natio illa fortissima coepit mollissimis cogitationibus effemina-  
ri ; quicquid erat boni moris levitate , lautitia , & politura cor-  
porum , veluti exstinxit<sup>a</sup> . Atque tum potissime doluit Respu-  
blica quum videret cenas portentissimis ciborum generibus ap-  
parari , pecuniam omnem pretiosis vestimentis conquirendis  
effundi , totamque exterorum luxuriam in Latium migrare<sup>b</sup> .  
Hinc quae primum in Theatro stantes ludos spectare<sup>c</sup> , & sub  
dio esse<sup>d</sup> consueverant , modo vela superduci arcendo aestui ,  
& soli iussere . Sed unde id Romam advectum ? Ex campano-  
rum consuetudine , quorum maximum in Scenicos ludos stu-  
dium fuit , atque Q. Catulum in AEdilitate sua adduxisse refe-  
runt Valerius Maximus<sup>e</sup> , Plinius<sup>f</sup> , Ammianus<sup>g</sup> , quorum  
primus haec habet . *Religionem Ludorum crescentibus opibus mox  
secuta lautitia est : ejus instinctu Q. Catulus Campaniam imitatus lu-  
xuriam , primum spectantium consessum velorum umbraulis texit .  
At quae ego cursim perstringo . jam huius rerum delectu copiose ,  
& verbis ornatissimis Cl. Mazocchius , aureo sane libro , com-  
plexus est<sup>h</sup> . Lautitia vero eo processit , ut vela haec aliquan-  
do carbasina , vel serica essent<sup>i</sup> : & a Xiphilino accepimus ,  
Nerone imperante , vela purpurea stellis aureis intertexta*  
Thea-

<sup>a</sup> *Senten. Quaesf. Nat. cap. vii. Amste-  
led. 1678.*

<sup>b</sup> *Pertinent haec Leges Sumptuariae , quae  
scilicet sumptus finem modumque statuunt salut  
Reipublicae attemperatum , ut Lex Orchia ,  
Fannia , Didia , Licinia , Cornelia , Aemilia &c.  
V. Dissertationem Politicam Joh. Tilemann  
Scheuch. de Legibus Sumptuariis . Marburgi  
Cattorum 1734.*

<sup>c</sup> *Populum aliquandiu stantem ludos spectasse  
tradit Livius lib. xlv. 11. aut si fuere gradus ,  
caespitibus erant . Ovid. de Arte lib. 1.*

<sup>d</sup> *In gradibus sedis populus de caespite fallis .  
d Johannes Chrysostomus de Theatro Con-  
stantinopolitano , summa dicendi vi , Ethnico-  
rum potentiam , imo insaniam miserans : ἡ δὲ  
μὲν ἰσοπέδου δὴ ἰσὶν ἰσχυρὸν τὸν  
πύργον , εἰ καὶ οὐ πολλὰς ἔχουσιν κατα-  
σκευάς . ἡ δὲ μὲν τὸ δὴ οὐδὲν αἰὲν ἔχει τὸ  
τοῦ ἰσχυροῦ μακρὸν . Et quidem in circo  
ubi non operis superpositum tellum plurima  
pars imber in vultum ventilatur . ( Homil.*

*quod non sit contemnenda Ecclesia . Edit. Pa-  
risien. Montfauconii . )*

<sup>e</sup> *11. 14. Edit. 1726.*

<sup>f</sup> *112. 1. Edit. Harleini 1741.*

<sup>g</sup> *xiv. xiv. Lugdun. Batav 1693.*

<sup>h</sup> *Commentarius in Mutium Camban  
phiteatri Titulum . Cap. viii. Neapoli 1727.*

<sup>i</sup> *Vela Carbasina quae primum in Theatro du-  
xit Lentulus Spinter commemorat Plinius loc.  
cit. Sed Dio lib. 12. dum enumerat res gestas a  
Nerone iis diebus , quibus Tiridati Armeniae  
regnum concessum est , sic scribit : Ταῖς μὲν  
παρασκευαῖς τὰ δὲ τῶν ἀγῶν διατάξι-  
ται , ὧν τὸν δὴν ἀνίσταται . αὐτοῦ δὲ ἔσται , ἡ  
ἐν μὲν αὐτῶν ἔργα ἰσχυρὸν ἔσται .  
ἡ δὲ μὲν δὲ ἀνίσταται χρεὼν ἰσχυρὸν .  
Vela in aere extensa , ad accendenda scitis a do-  
ctis , purpurea erant : Horum in medio Nero  
aureis currum agitabat : circa hunc undi-  
que stellae aureae resplendebant . Quae verba ex-  
scripsit Xiphilinus in Nerone pag. 180. Edit  
Henric. Steph. 1592.*

( XXXVII )

Theatrum obtigisse<sup>a</sup>. Sed quum ventus, incerta sui reduntantia, antennas in altum erigi, his vela alligari, expandi, funibusque sustentari non raro vetaret, vel nimium fluitantia vela solem admitterent, tunc certe alio quodam tegumento Romanos usos fuisse ostendunt Martialis carmina<sup>b</sup>; a quo etiam didicimus hoc tegumentum Umbellam extitisse.

*Accipe quae nimios vincant Umbracula Soles*

*Si licet, & ventus, te sua vela tegant<sup>c</sup>.*

Quae verba apertius explanat Domitius Calderinus: Umbella erat exiguum tentorium, quo singuli tegi poterant, unde diminutivum accipit ab umbra: Usui erat cum flante vento spectacula edebantur in Theatro, nam vela superiora omnibus communia agitata solem admittebant. Tua vela, idest tua Umbella<sup>d</sup>.

Atque hoc in genere mirum mihi non videtur, quod hi, qui cuticulae curandae erant studiosiores Umbella similiter uterentur in deambulationibus. Ovidius ubi Herculem irridet in amore apud Omphalem misere haerentem, illum Umbraculo quodam Solis aestum ab amasia arcantem describit<sup>e</sup>.

*Aurea pellebant tepidos Umbracula Soles,*

*Quae tamen Herculeae sustinere manus.*

Alio loco amatorem hortatur, ad captandam puellae gratiam, ut apud eam hoc ministerii & officii obeat genus<sup>f</sup>.

*Ipsae tene distenta suis Umbracula virgis;*

*Ipsae face in turba, qua venit illa, locum.*

Adde huc & illud Martialis<sup>g</sup>.

*Umbellam lufcae Lyde feras Dominae.*

Neque reticere possum Claudianum, qui ejus moris apud Romanos meminit lib. 1. in Eutropium Eunuchum.

\* \* \* \* \* jam non Umbracula gestant

Virginibus \* \* \* \* \*

Tum etiam de IIII. Consulatu Honorii, Imperatorem magnopere hortans ad bellicos labores omnes persequendos, & ad delica-

<sup>a</sup> Quod modo enarravimus.

<sup>b</sup> In Pompejano tectus spectabo Theatro,  
Nam populo ventus vela negare solet  
lib. vi. Epig. xxix.

<sup>c</sup> Lib. 17. Epig. xxviii. Edit. cum Not.

Varier.

<sup>d</sup> Ad hunc locum.

<sup>e</sup> Fa. lorum 12.

<sup>f</sup> De Arte 12.

<sup>g</sup> Lib. 12.

( XXXVIII )

licitorum molliem atque teneritatem fugiendam , ita alloquitur .

*Ne pluviis cedas , neu defensura calorem  
Aurea summoveant rapidos Vmbacula Soles .*

De Graecis non dubito quin eadem de causa suas Vmbellas praesto haberent . Certe actor ille apud Aristophanem , ΟΡΝΙΘΕΣ , dum sub dio spatatur , Deorum suorum Providentiam ad ridiculum convertens , servum sic affatur .

*πρὶ λαβών μὲ τὸ σκιάδεον ὑπὲρ χει  
Ἄνωθεν , ὡς ἂν μὴ μὲ ἑρῶσιν οἱ θεοί  
Hanc accipe Vmbellam , atque sustine  
Supra me , ne me conspiciant Dii .*

Peregrinationibus tandem & Venationi quum veteres indulgerent , ut umbram aliquam sibi factitarent , natura ipsa edocebantur . Sane Mercurio , qui Deorum nuncius habitus est , Petasus concedebatur , seu galericulus , cujus alae umbram projicerent , ne his , quae aestuosa ac pulverulenta quandoque via conficiebat , itineribus nimium defervesceret ; seu , ut est apud Arnobium : *Cum Petaso Gnatus Majae , tanquam vias agredi praeparet , & Solem , pulveremque declinet* <sup>a</sup> . De hoc tegumenti genere egimus eo libro , quo Mercurii insignia a nobis illustrata sunt <sup>b</sup> . Sed a Sponio recedimus , quod nimium tribuere videatur auctoritati Alberici Philosophi , qui Mercurii Petasum Vmbellam vocat <sup>c</sup> : Qua de re multo plura erunt a nobis inferius dicenda : perspicuum siquidem illum vocabulis abuti , dum Pileo parem facit Vmbellam : Veriusque figuram dissimilem extitisse , ut est hodieum , res ipsa eloquitur . Quocirca galericulos hujusmodi peregrinantium , latos , atque distentos , non Vmbellas , sed *Pileos umbellatos* cum Milzovio <sup>d</sup> appellabo . Recensuimus praeterea , eodem libro Nummos duos , alterum apud Aetolas , alterum apud Cyrenaeos percussum <sup>e</sup> .

In

<sup>a</sup> Lib. vi.

<sup>b</sup> Citat. initio praefationis .

<sup>c</sup> *Recherches Curieuses d'Antiquité*. Dissert. xxix. a Lyon 1683.

<sup>d</sup> Jani, Milzovii *Pileos Libertatis* Hafniae

1688.

<sup>e</sup> Verumque divulgavit Laurentius Begerus . *Observationes & Conjecturae in Numismata Coloniae Brandenburgicae* 1691.



In priori Apollo est venatoris more indutus, armisque instructus, sed utpote flavicomus & delicatulus, secus ac ceteri venatores, qui, teste Tullio, in montibus se uri patiuntur, pileum valde amplum pone humeros desert ad Solis aestum arandum. In altero Apollo equo vectus Petasum eodem modo deportat. Tertius latine loquens addi posset *Caesaris Augusti F.*, in cujus postica parte Apollo psallicitharista in propatulo loco saxo insidens pileum habet post terga rejectum, quem, si fas erit, capiti imponat. Verum haec tegumenta, ut ante ajebam, improprie Umbellis accensebis; hoc tamen adnotabo Sebastianum Ericium<sup>a</sup> censuisse non pileum, sed Arcum esse, qui ad terga Apollinis dependet. Sed qui ita judicat, nummum aut nimis detritum, aut parum considerate intuitus est. Optimi typi est, quem hic proferimus, atque explicaturis, quae manifeste in oculos incurrunt, totiusque circuitus forma, pileum esse nemo non videt. Desumpsimus autem ex archetypo in Museo Apostoli Zeni, magno ingenio viri, imprimisque clari, a quo ad haec studia eruditi atque docti fuimus<sup>b</sup>.

Ac si jam placet Graecorum cognoscere arrogantiam, quantopere fama, amplissimisque fortunis abuterentur, animum advertamus a quibus illi Umbellas deferri jubeant. His, qui e peregrina quavis regione Athenas adveniebant, perpetuum domicilium in Vrbe habere abs Areopagitico Concilio permittebatur, & *Μεμνός* Inquilini vocabantur. Verum ita infimorum hominum genus hoc censebatur, ut inquilinis nullo publico munere defungi concederetur; imo nec proprio nomine negotia obire; quare in Civis alicujus clientelam ac patrocinium

<sup>a</sup> *Disserse sopra le Medaglie. Venezia 1659.*

<sup>b</sup> Obiit is magno cum bonorum omnium more, & litterarum Reipb. damno 17. Non. Novbr. 1700. setate admodum provecta, in honore apud omnes habitus.

cinium se conferre ac comittere oportebat<sup>a</sup>. Varia ab hoc novo servorum genere obsequia & munia exigebant Athenienses, atque inter alia, ut eorum Virgines Matronis Umbellas deferrent, maxime quum spectacula ederentur. Legimus haec disertissime apud Aelianum. *Ἀθηναῖοι δὲ ὕβρισαν καὶ ἐκείνην πρὸς ὕβριν. Εὐτυχίας γὰρ λαβόμενοι, πρὸς εὐπραγίας σωφρόνως ἐκ ἡμετέρας, τὰς γῆρας παρθένους πρὸς μετοίκων σκισθηφορεῖν ἐν ταῖς πομπαῖς ἡγάγαζον ἑαυτῶν κόραις πρὸς δὲ γυναῖκας ταῖς γυναῖξιν, πρὸς δὲ ἀνδρας σκαφηφορεῖν. Athenienses vero etiam hanc exercuerunt insolentiam. Nasti enim meliorem fortunam, non tulerunt modeste illam felicitatem. Inquilinorum itaque puellas adigebant, ut Umbellas suis mulieribus in pompis praeferrent, viri vero in iis Scaphas gestarent<sup>b</sup>. Fuisse autem apud Romanos inter Ancillas ac famulas eam ejus hoc officium praecipue esset praenobiles Matronas infequi, umbellamque gestare, memorat Pignorius in commentario de Servis. Sed satis jam his immorati sumus; pergo igitur ordine, quas propofui, ceteras disputationis partes explicare.*

## CAPUT SEPTIMUM.

*Umbellarum usus in Balneo Subdiali. Figurae, & imagines, quibus obducitur extima Etrusci Vasis superficies, partite explicantur. In antica ejusdem facie Umbella. De Flabellis, & Muscariis opportuna digressio. Vas ipsum oenophorum, & potatorium fuisse. Num Umbellae usus ab antiquissima Etruscorum gente ad Romanos dimanarit?*

**N**Olam Campaniae Urbem, ante paucos annos quum divertissem, antiqua illius monumenta contemplaturus; nihil fuit quod jucundissima oblectatione ita me raperet, quam amplissima collectio operum Figulinorum, quae ingenti sane expensa Vir Patricius, idemque humanissimus Felix Mastrilius conquisivit, atque comparavit. Dies me deficeret si ingentem illam suppellectilem susciperem verbis, diligenterque describendam

<sup>a</sup> *Aristot. Politic.* 111. 1. *Paris* 1654. <sup>b</sup> *Varia Historia* lib. vi. cap. 1. Edit. Grevii 1731.



## ( XLI )

bendam : innumera enim pene sunt vascula cujusvis generis , crateres , cyathi , amphorae , malluvia , paterae , dijotae , atque omnia egregiis picturis praestanti elegantia , & pulchritudine Saguntinis , Corinthiacis , Samiisque fere atponenda . Horum pars magna vel in cretifodinis , vel in agris a fossoribus , non procul ab Vrbe ipsa , reperta est ; ut facile animum inducas ad credendum Figularem officinam , eamque eximiam ac Collegium Vasculariorum Nolae quondam extitisse <sup>a</sup> . Ex hac praeclara collectione *Sextarium* potatorum describendum accepimus , quod in ipsa libri ingressione lectori conspiciendum damus , utpote quod de Vmbellae usu in Balneis indubitato modo admoneat . Tota ipsius superficies figuris , rebusque obducitur , quae varia Balneorum instrumenta patefaciunt , commode disposita eorum gratia , qui lavatum veniunt .

Prima facies ante oculos hominem proponit Vmbraculum deferentem , cum immissis utrique brachio Armillis , qui recta contendit versus Mutulum quemdam , cui Abacus impositus est . Porro multae in Thermis extabant hujus generis mensulae , sive ut vestes insternerentur <sup>b</sup> , sive ut superponerentur elaeophora , & gutti unguentarii , quorum tanta apud veteres profusio . Pone hunc hominem Caudex aut saxeae moles , cui insideret longa statione defatigatus . Hinc ansulae duae parieti inhaerentes , e quibus praelongum illud Sudarium dependet . Altera Vasis facies hujus actionis exitum , reique absolutionem minutim exhibet , ut nullum ferme sit monumentum , quod ita omnia eleganter , enucleateque patefaciat . Vir ille e Balneo

F egress-

<sup>a</sup> Genus hoc vasculorum Tuscanicum diel auctor ; cujus quidem cognominis ea causa esse potest , quod vasa sista lato in Etruria primum ( quum de Italia esset sermo ) coepissent elaborari . Plinius lib. xxxv. cap. xi . *Sunt qui in Samo primos omnium Pliniscen invenisse Raccium & Theodorum tradunt , multo ante Barchidas Corintho pulcos . Demaratum vero ex eadem Vrbe profugum , qui in Etruria Tarquinum Priscum Regem Pop. Romani genuit , comitatus filiores Euehira , & Engrammum , ab iis Italiae traditam plastice . Deditatis inventum est rubricam addere . . . . Praeterea elaboratam hanc artem Italiae , & maxime Etruriae . Quae in convivis spondebantur , hujus-*

modi fuisse ex Juvenali Sat. xi. Alcius Ponticus igitur *Tuscos farrata Catino Omnia tunc .*

Etrusca etiam appellari possent monumenta sili- lia , quae in agro Nolaano reperiuntur , quod Urbem illam ab Etruscis conditam scribat Vel- leius Patereulus lib. 9. cap. vii. *Argentaria- ti 1662.*

<sup>b</sup> In Thermis manufactis vestes in Spoliato- rio , sive Apodyterio enuebantur , depositas ibi pueris , vel capriis , qui eas servarent , nam quamvis fures Balnearii moris plecterentur , eo- rumque furem par sacrilegio haberetur & tantae eorum infidiae , ut facile vestes subriperentur , nil custodiendae caute tradebantur .

## ( XLII )

egressus, arrepta ambabus manibus Mappa, posterganeam corporis partem abstergit exsiccaturque. Sed extrema lintei ora, ne humi repens fordescat, unco utrinque suspenditur columnae immisso. Dextrorsum vero Abaculus alter visitur, seu potius Monopodium, fulcro terrae confixum, quod ipso in Balneo facile loco moveri transportarique possit. Huic proxime parva rudisque strues, quam si spongiam dixerō, facile consentient, qui supellectilem Balneariam in ejusmodi vasculis non raro depictam viderunt<sup>a</sup>. Sinistrorsum Cippus columellae in modum, sive imus columnae scapus cum stylobata: nescio quid desuper jacet, quod indusium involutum, aut tunicam complicatam haud aegre credam<sup>b</sup>. Quid dicam de Pertica, quae ultra columnam erigitur, & recta prominet? quid de Trochlea transverso ipsius jugo colligata? consulto haec adjecta, quo amplum illud Sudarium facile in sublime attolli, & in modum veli obtendi posset; atque sub eo umbraculo consideret, qui illic lavari statuerat. Quorsum enim funiculus ille, qui a laeva hominis dependens, nisi ut ejus ministerio pannus linteus contringi & altius efferri liceret? Sane in hanc sententiam ratio ipsa nos ducit nam si, more antiquo, in Balneo subdiali nos esse oporteret, velis quibusdam umbram parare, natura ipsa impelleretur. Superest, ut de Disco globulis circumquaque exornato, qui eminet, capulo suo vel inter vestium plicaturas, vel in columnam infixō. Non ego hic quidpiam de Patera excogitabo, qua *Genio Fontis*, aut *Deo Loci Custodi*, sacrificaretur, & lotionē percepta, libamenta funderentur. Neque speculum, quod aliis placet hic deprehendo. Quamvis specula per summam luxuriam gemmis perornarentur<sup>c</sup>, attamen scabritiem & asperitudinem in tota hujus instrumenti area percipio, ut qui illo uteretur, nec sui speciem possit intueri, neque illud sibi in consilium adhibere. Quid itaque? *Flabellum* esse

<sup>a</sup> Exstat in Bibliotheca Cl. Reg. SS. Apostolorum Nespeli Vas Thufeanico artificio, in ejus antica parte, hinc Vir pallio obvolutus singilem manū tenens, inde Mulier Spongiam Viro porrigens; In postica Concha, & Guttae. Haec fere simile est apud Gorium.

<sup>b</sup> Ex his quae mox diximus, in altera adno-

tatione.

<sup>c</sup> Seneca sui temporis lautitiam reprehendens. *Quaest. Nat. lib. 1. cap. xvii.* Specula gemmis adornata sunt, & plures unum ex his Feminae constitit, quam antiquarum dei illa, quae publice dabatur Imperatorum pauperum liberis.

( XLIII )

esse arbitror (cujus imago perfrequens in vasculis Thufcanici operis) quo ventilatio fieret aestu anni flagrante ad caloris incommodum propulsandum vultumque refrigerandum, sive ad muscas abigendas. Praeclare huc faciunt verba actoris illius apud Terentium<sup>a</sup>: *Heu Tu Dore, cape hoc Flabellum, & ventulum huic facito, dum lavamur*. Quod quum ita sit, minime fortasse a proposito digredietur oratio nostra, si nonnihil de Flabellis attexam. Inde quod Umbellae & Flabella copulentur, ne dum in his, quae attulimus, sed in aliis bene pluribus monumentis, ex alio aliud veluti necitur.

Ac primo Gregorius Nazianzenus luxum, nimiamque molliem vituperans, pueros memorat, qui heris accumbentibus tenues gratosque ventos Flabello excitarent convivis mensae unguentis perfusae assidentibus, *ως δὲ ὑπὲρ κεφαλῆς ἀνεμῶν ταῖς πιπύσιν super capita (convivarum) flabellis ventum excitantes*<sup>b</sup>. Verum si memoria res antiquas repetere quis velit, longe ante Gregorium hoc in more positum inveniet. Ovidius<sup>c</sup>

*Profuit & tenues ventos movisse flabellō.*

Hinc Pignorius in Commentario de Servis<sup>d</sup>: *Inter ancillas conspiciuae fuerunt Flabelliferae, quarum meminit Plautus. Flabellum autem domi Eunuchorum fuit, ut indicat nobis Eunuchus mentitus Chaeream Terentianus, & Claudiani Eutropius. Locus Claudiani is est, ubi narrat Eunuchum Augustae famulari, & flabello auram ciere.*

*Et cum se rapido sessam projecerat aestu.*

*Patricius roseis pavonum ventilat alis*<sup>e</sup>.

Pergit Pignorius: aliquando etiam mulierculae alienj, velint illius apud Martialem lib. II. Epigr. LXXXI, quae praesino flabello tenue ventilabat frigus Zoilo aestuanti<sup>f</sup>; & hinc D. Hieronymus inter ancillarum officia enumerat Flabellum tenere<sup>g</sup>. Sed quod de officio pueri vel Pocillatoris carpit Gregorius, factum etiam ad muscas a mensa abigendas disertis verbis adnotat Martialis<sup>h</sup>

F 2

Lam.

<sup>a</sup> In Eunuchis 111. Scen. V. Edit. Boecleri.

<sup>b</sup> Orat. xvi. Edit. Colom. 1690. Cur Villius non Flabellis, sed Felibus vertit ταῖς πιπύσιν plane ignoto.

<sup>c</sup> De Arte 1.

<sup>d</sup> Pag. 422. Edit. Amstelod. 1674.

<sup>e</sup> Loc. cit. Amstelod. 1665.

<sup>f</sup> Et aestuanti tenui ventilat frigus

Supra praesino concubena flabello.

Fugaeque muscas myrtea puer virga.

<sup>g</sup> In Epitaph. Vanillar. Romae 1576.

<sup>h</sup> Lib. III. Epigr. LXV 11.

## ( XLIV )

*Lambere quae turpes prohibet tua prandia muscas*

*Alitis eximiae cauda superba sui.*

Praeunte Martiale nonnihil observant Ciaconius de Triclinio<sup>a</sup>, & Vrsinus in appendice ad eundem<sup>b</sup>: ceterum hoc munus servorum delicatorem fuisse ait Stuchius<sup>c</sup>, & Donatum sententiae suae auctorem profert<sup>d</sup>. Inter deambulandum aetivum tempore quis dubitet & scitulas puellas, & venustulos adolescentes illum praee manibus gestasse? constat ex illo Ovidii<sup>e</sup>.

*Vis tamen interea tenues arcessere ventos,*

*Quos faciunt nostra mota flabella manui.*

Est alterum apud Dionysium Halicarnasense luculentissimum testimonium, ex quo discimus effeminatam juventutem, Aristodemo instigante, in pompis, ludisque Umbellam, & Flabellum detulisse. Postquam descripsit turpissimas libidines, quas Cumis exercuit Aristodemus, & pueros indutos, more virginum, pictis tunicis talaribus, qui comas reticulis, floribus, taeniisque religabant, de his ita scribit: ἡκολούθουν τὴν αὐτοῖς εἰς τὰ διδασκαλεῖα τῶν ὀρχηστῶν καὶ αὐλητῶν, καὶ τῶν παραπλησίων τῆς μουσικολογίας, παραπυρόμεναι παιδαγωγὰν γυναικῶν σκιάδια, καὶ ῥιπίδας κομίζουσαι. Gymnasium salutarium ingredienti ad modos Citharistarum, & aliorum musicarum illecebrarum artificum, eos comitabantur pedissequae mulieres UMBELLAS & FLABELLA gestantes<sup>f</sup>. Quid plura? ubi opus erat Umbraulo, ibi & Flabellum. Quamobrem Libero Patri, dum vino caleret, saepe tribuitur a Nonno in Dionysiis, cujus verba, causa brevitate praetermitto. Qua vero materia constarent muscaria perspicuum videtur ex allato Martialis disticho; tum ex Propertio<sup>g</sup>.

*Est modo Pavonis caudae flabella superbae.*

Porro in antiquis picturis hanc formam referre conspicimus; sed haec fortasse elegantiora. Papyracea, serica, vel etiam gra-

<sup>a</sup> Pag. 19. Edit. Amstelod. 1664.

<sup>b</sup> Pag. 274.

<sup>c</sup> Antiquitat. Convivial. lib. 11. Tiguri 1589.

<sup>d</sup> Confer Josephum M. Sacrum Episcopum Vasionensem in Diatriba de Flabellis Pontificis & Muscarii Pavonis data Vafoni 1111. Kal.

Junius MDCLII.

<sup>e</sup> Amor 11. 11.

<sup>f</sup> Antiquit. Roman. lib. 11. Edit. Sylburgii Francofurti 1666.

<sup>g</sup> Lib. 11. Eleg. ad Demophontem. Parisiis 1683.

( XLV )

graminea fuisse, ex varia earum figura, concinnitate, atque ornamentis conjiciet, qui paullo attentius Vascula, Gemmas, Anaglypta intuebitur<sup>a</sup>. Si vero moris originem scruteris, admonet apud Euripidem actor ille Phrygius, qui cum Helena Troja advenerat, a Barbaris in Graeciam transvectum.

Φρυγίοις ἔτυχον Φρυγίοισι νόμοις

Παρά βόστρυχον αὔραν αὔραν

Ελίνας Ελίνας ὑπαγεῖ κύκλω

Πιπρίνω πρὸ παρῆϊδος αἴσων

Βαρβάροισι νόμοισιν.

Juxta Phrygium morem,

Ad caesariem ventulum ventulum

Ante genas Helenae Flabello

Bene compacto, pennato faciebam,

Barbaro more<sup>b</sup>.

Nunc eo, unde digressa, referat se oratio. Mirari quis poterit cur adeo fidenter vas istud *Sextarium* appellarim. Non fortuito dixi, sed comperta causa. Primum pro certo pono, atque confirmo Vasculorum veterum picturas ad eum referri usum, cui addicebantur; ut quidam sit picturae & usus responsus. Est id consentaneum naturae, atque rationi, qua omnes homines semper praediti fuere, omniumque mens in id consentiens ac pene conspirans. Neque enim mortuariam pompam, & funebrem luctum effingi mandaremus in lance escalaria, aut cyatho mensae, convivioque apponendo; nec in capsula ossuaria natalis diei festa, atque ritus; nec in sympulo rei sacrae faciendae scurras & mimos: Quare si Vasculi hujus picturae lavationis apparatus exhibent, vas ipsum Balneo additum fuisse non ambigo. Vasis autem moles & capacitas, quas diligentissime expendimus, *Sextarium* esse, qui vini cyathos

duo-

<sup>a</sup> Dum Bibliothecae Vaticanae pictos Godley perpendere, adverti oculos ad ingens Volumen Gemmarum Antiquarum, quod Bonitus Bartoli accurate delineavit, & Eques Petrus-Leo Ghezzius eidem Bibliothecae dono dedit. Num. cxxxiii. visitur Hermisproditus, & Num. cxxxiv. Venus, quibus adsit cupido flabelum veluti manu excutens, sed in utraque Gemma videtur muscicarium esse magnae cujusdam

plantae folium; concinnius quidem, quam in Stoschiana ellato capite s. l. In Museo Veronensi Tab. 1. num. v. Sarcophagus est Vipsiae Marcellinae, cui adsit Ancillula cum Flabello haud multum oblimi.

<sup>b</sup> In *Orpheu Aë. V. Scen. I. Edit. Basilae 1558*. Flabellum, quo Phrygius homo ventilabat Helenae, arbuticarem fuisse patet legenti.

( XLVI )

duodecim contineret omnino suasit \*. Capaciores ejusmodi calices afferebantur non solum quum epulum daretur, sed ipsi in Thermis, ut quorum vires lavacrum enervabat, haud parca vini potio reficeret, atque redintegraret. Morem hunc acuto dente carpit Martialis dum sugillat hominem, qui primum Thermarias potationes exprobraverat, sed factus opulentior, eodem in vitio fuit <sup>b</sup>.

*Frangendos calices, effundendumque Falernum*

*Clamabat, biberet qui modo lautus eques.*

*A sene sed postquam Patruo venere trecenta,*

*Sobrius a Thermis nescit abire domum.*

Id ipsum Juvenalis probro vertit homini jam jam canescenti, qui balnea, & Thermas, quo intemperantius potaret, frequens adibat

\* \* \* \* \* *Damaspippus ad illos*

*Thermarum calices inscriptaque lintea vadit,*

*Maturus bello Armeniae Syriaeque tuendis*

*Annibus & Rheno, atque Istro <sup>c</sup>.*

Haec omnia ne reticeremus auctor fuit Cl. J. B. Passerius homo nobis, & studiis iisdem & vetustate amicitiae conjunctus: ac libenter morem gessimus Archaeologo huic doctissimo, cui primae sine controversia tribuuntur <sup>d</sup>.

At quoniam de Etruscorum operibus hoc capite differimus; residuum ergo videtur, ut dicam num ab his vetustissimis populis Umbellae usus ad Romanos dimanarit. Gorius noster, quem peramanter ubique nominamus, ita certum putat, ut ne in dubium quidem illi veniat. *Flabellorum usum* (ita ille), *quod etiam de Umbellis dicendum, ad vitandum Solis aestum, & imbres Romanos ab Etruscis nostris accepisse perspicue constat* <sup>e</sup>. Multa quidem ab Etruria *matre & genitrice* superstitionis <sup>f</sup> ad reli-

quas

a Consule Budaeum de *Affis* edit. inter Scriptores Rei Nummariae Amstel. 1692. 1. *Cass. Eusebiodidum de Vend. & Mens. cap. 21. sect. 11. Argentorat. 1737.*

b Lib. XI. Epigr. LXXXI.

c Sat. VIII. Not. Varior. Paris 1613.

d Vasculorum Etruscorum opusculum, colores, picturas studiose & exquisite in explicavit in

Disertatione de Genio Domestico pag. 9. & sequent. v. *Synagoga Antiq. Monum. Florentinae* 1744.

e In Museo Florentino Tom. 1. not. ad Tab. LXXXVI. pag. 138. *Gemmae Class. 17. Tab. LXXXII.*

f Arnobius *Adversus Gentes* lib. 1.

## (XLVII)

quas nationes sunt propagata; sed de hujusmodi ritu, hoc tantum succurrit argumentum, quod Umbella in veterrimis monumentis gentis illius, quae Romanam aetate antecessit, picta conspiciatur.

### C A P V T O C T A V V M.

*Antiqua Umbellae forma. Virgis mobilibus contrahi, atque distendi. Testudinatam aliquando fuisse. Albericum, & Anacreontem perperam huc accersiri. Mulierum capilli sic conformati, ut Umbellae vicem praesent. Sudaria, Linthea, Vestes ad umbram faciendam arboribus alligata. Foliis Palmae bifidis Umbellas confici, sed eae agrestes. Elegantiores omni luxu, & ornatu. Locus Juvenalis ab interpretibus vexatus explicatur.*

**V** Eror fore aliquos, qui me praepostero ordine disputationem perturbasse credant, quum in hunc extremum locum rejectum legerint, quod fortasse a primo tractandum videbatur. Atque id facilius judicabunt, qui illud Tullii memoria retinent in omnibus primum rei naturam esse constituendam, ejusque proprietates apta definitione aperiendas. Sed summo in errore versantur, qui nos sic coarguunt: imo ut omnia distincte, & ordinate disponerem, de Umbellarum forma disputare in hoc tempus reservavi; alias, quae seorsum erant dicenda, ac paullatim explicanda, omnia sub ipso lucubrationis ingressu fuissent legentium oculis objicienda. Tum etiam in proposito susceptoque consilio permansi, quod evidenter perspicerem futurum, ut Umbellarum descriptio ex antecedentibus sponte sua efflueret atque manaret. Quare hoc loco perspectam legentibus esse jam quum censeam, non eam tradere, sed dicendo amplificare, & novis animadversionibus locupletare aggredior. Quae igitur fuerit Umbellae forma ac figura ex ipsis eruditae vetustatis monumentis petendum arbitror, non ab his quae Pictores nostra aetate pro ingenio excogitarunt.

( XLVIII )

runt<sup>a</sup>. Vas Nolanum, & Gualterianum, CAP. II. descripta; satis patefaciunt ad nostrarum Umbellarum formam proxime accessisse. Verum Gemma, quam ibidem protulimus argumento est Umbellas etiam in fastigium erectas, atque acuminatas in modum hemispherii aliquando extitisse; & opus Testudinatum fuisse arbitror ex paullo solidiori materia, quod unico fulcro sustentaretur. Quam equidem formam ceteris vetultiorum esse astruit Julius Pollux, *θολία δ' ἐκαλεῖτο πλέγμα τὶ θολεδίς, ᾧ ἀντὶ σκιαδίου ἐχρῶντο αἱ γυναῖκες*. Testudo autem dicebatur contextura quaedam instar testudinis plicata, qua, ante Umbraeculum inventum, utebantur mulieres<sup>b</sup>. Ex monumentis autem Persarum, quae CAP. V. indicavimus ante omnium oculos positum credo Umbellam etiam penes antiquos fulcris, virgisque mobilibus sustentari, quorum ope ea vel contraheretur, vel distenderetur; quod non solum apud Persas sed etiam apud Romanos usavenisse docet Ovidius eo versu, quem CAP. VI. recitavimus.

*Ipsae tene distenta suis Umbraecula virgis*

De Graecis testatur scurrilis jocus Aristophanis in Equitibus. *Act. V. Scena II.*

*Τὰ δ' ὅπερ γάρ σῃ, νὺ Δί, ἐξέπαινοντο*

*Ὡς περ σκιαδίου, καὶ πάλιν ξυνήγετο.*

*At per Jovem aures expandebantur suae,*

*Et complicabantur quasi quoddam Umbraeculum.*

Quae res quum ita se habeat, nihil loci relictum est sententiae Montfauconii, qui Petasum in acumen superne desinentem, vel oras habentem, quae umbram faciant, tuto pronunciat

<sup>a</sup> Petrar Johanne Domestico Rosanellam inter ceteros Pictores multa ex antiquorum monumentis in rem suam opportune derivasse. Sed plane incertum quodam autographum filii propeverie imitandam, quum Umbellae formam effinxit, & Themitae Regis Pharaonis Filiae adposuit in Tabula, quae Parisiis adservatur, *aux vœux Louvre*; nullum extabat veri illius monumentum, ex quo illa peti atque describi posset. Norant etiam, qui bonas artes colunt *anaglypta* ex marmoreis, quibus exornantur parietatae Perystilia Vaticani ( tempore PP. Leonis X. excelsi, Raphaelo Urbinate totius acclivis curam agente ) pingendi, fingendique no-

bilissimos artifices Johannem de Utino, & Pollidum de Caravagio ex antiquis Archetypis descriptisse. Longe dissimilia, quae obriam sunt dextrorsum petenti, quaeque Gregorius XIII. Filis pypso crustari iusserat; nam etsi ejus rei praefectura data fuerit Christophoro Roscellino, vulgo *Pomaranzio il Giovine*, *Scenes* is adhibui. plasticæ rationis ignaros, & graphidia imperitos, aut qui festinato, & indiligenter operi perficiendo maoum admoveant. Hinc quamvis inibi Cupidinem Umbellam gestantem facius adverterem, non ex antiquo exemplari operis speciem deformatam judico.

<sup>b</sup> Loc. cit. cap. 1.



## (XLIX)

ciat esse Graecorum τὸ σκιάδιον, vel τὴν σκιάδιον Anacreontis \*. Putat ipse satis firmo praesidio defendi, & ad verba Alberici provocat, qui in *Imaginibus Deorum* Mercurii Galerum Vmbellam vocat. Sed jam demonstravimus CAP. V. & VI. hoc tegumenti genus Pileos Vmbelliferos, non Vmbracula proprie vereque appellari. Quare sunt haec duo distinguenda; in quo reprehendendi videntur Solerius, & Raynaudus, qui dum multa de *Pileo*, ceterisque capitis tegminibus congererent, pauca discrete, & electe digesserunt.

Sed mores gentium vita institutisque barbararum consideranti mihi, nunc recitanda visa sunt, quae de Cantabris ac Vectonibus leguntur apud Strabonem. Narrat ille apud incultas illas nationes mulieres consuevisse monilia ferrea collo circumdare, & a fronte protensum Vmbraculum, quod attrahant cum velint, vel retrahant defendendo Soli; alias comas in altum erigere, illasque baculo obvolvere ad umbram faciendam. Τῆς δὲ βαρβαρικῆς ἰδέας καὶ τὴν τῶν γυναικῶν ἐνὶ αὐτῇ κόσμον θεῖν τις ἀν, ὃν ἔρκειν Ἀρτεμίδωρος. ὅπου μὲν γὰρ περιτραχύλια σιδηρὰ φορεῖν αὐταῖς φησιν, ἔχοντα κόρακας καμπτομένους ὑπὲρ κορυφῆς, καὶ προσπίντονας πρὸ τοῦ μετώπου πολὺ, κατὰ τῆς δὲ τῶν κοράκων ὅτι βύλονται, κατασπᾶν τὸ κάλυμμα, ὥστε ἐμπιπασθῆν, σκιάδιον τῷ ποσώνῃ παρέχειν, καὶ νομίζειν κόσμον. ὅπου δὲ τυμπάνιον περὶ χεῖσθαι, πρὸς μὲν τῷ ἐνὶ αὐτῇ περιφέρειν, καὶ σφίγγον τὴν κεφαλὴν μέχρι τῶν παρωνιδῶν, εἰς ὕψος δὲ καὶ πλατὺς ἐξυπτιασμένον κατ' ὀλίγον. ἀλλὰς δὲ τὰ προκόμια ψιλοῦν ἐπὶ τοσούτων, ὥστ' ἀποτίλβειν τὸ μετώπου μᾶλλον. τὰς δ' ὅσοι ποδιαῖον τὸ ὕψος ἐπιθεμένηας εὐλίσκον, περιπλέκειν αὐτῇ τὴν χεῖρ, ἵσα καλύπτρα μεταίτην περιστέλλειν. Barbaricae formae est etiam ornatus quarundam mulierum, quem Artemidorus retulit. Alicubi enim collo appensa, & conligata gestare monilia ferrea, quae corvos habeant supra verticem procul reflexos, & prominentes longe ante frontem; super quibus corvix, quoties lubet, velum demittant, quod pansum faciem obumbret, atque hoc illas ornatus loco etiam usurpare; alicubi tympanulum eas gestare, quod ad occiput sit rotundum, capuique usque ad auriculas

G

con-

\* In Supplement. Tom. III. pag. LXXXI.

b Anselmus Solerius de Pileo Amstelod. 1671.

Theophilus Raynaudus de capitis integumentis.

Inter ejus opera Tom. XII. Lugdun. 1665.

constringat, indeque deorsum paulatim in altitudinem & latitudinem producat: alias frontis partes, quae ad comam pertinent ita deglabrare, ut magis ipsa fronte niteant: alias columellam pedis longitudine capiti adhibere, eique crines circumplectere tum nigro velo circumdare<sup>a</sup>. Abs Ibericorum moribus eorumque perdidiculis Vmbellis ad Romanos revento. Equidem non uno semper modo hi Vmbram parabant, sed pro ut loci temporisque opportunitas illis obveniebat. Linteis quandoque utebantur columnis, longuriis, arboribus alligatis, quod non obscure indicat illud Varronis de R. R. *Prope aream faciunt Vmbracula, quo secedant homines in aestu tempore meridiano*<sup>b</sup>. Cujus moris documentum exhibet Tabula x. Picturarum Veterum a Bellorio editarum. Visitur ibi Templum Apollinis, cujus area amplissimo linteo inumbratur<sup>c</sup>. Aliquando tentoria & Vmbracula ex vestibus confecta tradit Tibullus<sup>d</sup>.

*Tunc operata Deo pubes discumbet in herba*

*Arboris antiquae, qua levis umbra cadet.*

*Ant e veste sua tendens Vmbracula fertis*

*Vincta, coronatus stabit & ipse Calix.*

Jam de materia, qua conficiebantur antiquis temporibus Vmbellae, si quis a me petat quid sentiam? primum cum Plinio dico foliis Palmae bifidatis, intextisque; ita enim scriptum reliquit. *Folia cultrato mucrone lateribus in se bifidatis bella primum demonstrare gemina; nunc ad funes vitiliumque nexus, & capitum levia Vmbracula finduntur*<sup>e</sup>. Sed haec rustica & agrestia Vmbracula fuisse puto: ceterum quis sibi non persuadeat Romanos, qui tantopere elegantes, lauti, in luxum effusi erant, Vmbellas etiam holosericas, bombycinas, purpureas habuisse? Num qui funes blatta, & serico, & coco intortas<sup>f</sup> parabant; qui exem-

plo

<sup>a</sup> Lib. 11. *Rerum Geographicarum ex recensione Jacobi Casauboni* 1587. interprete Xylandro.

<sup>b</sup> Lib. 1. cap. 21. Edit. Dordrecht.

<sup>c</sup> Montfauconius in suo illo indigesto, inordinatoque promptuario Villam esse censuit. *Antiq. Explic. Tom. 11. parte 1. Tab. 227. pag. 132.* Etiam Triclinia velis inumbrare monstrat; sed non id facerent veteres, ut liborius

scortarentur, hisque umbraculis Venerem occultarent, non desinito, et si fidenter affirmatum videam a Larentio. *Varia Sacra Gentil. cap. 217.*

<sup>d</sup> Lib. 11. *Eleg. v. Varior.*

<sup>e</sup> Lib. 211. cap. 17. de Palma.

<sup>f</sup> Lamprid. in *Heliogabal.* Edit. Lugd. Batav. 1671.

( LI )

*plo Caligulae retibus aureis piscabantur*<sup>a</sup>; qui *testa ebore, & auro fulgentia* exstrui curabant<sup>b</sup>, *Vmbraculis* gramineis contenti? Praeterquam quod *Vmbellas auro contextas* recensent Ovidius, & Claudianus, quorum carmina attulimus cap. vi. Quapropter *Vmbellis* acu pictis, Phrygio opere laboratis, Indoque ebore ornatis Romanos quandoque usos esse, amplae eorum fortunae atque copiae, ingentes divitiae, rerumque omnium abundantia, sumptus effulssimi non persuadent modo, sed perspicue convincunt.

Existit hoc loco quaestio subdificilis, quid sibi velit Juvenalis, quidve in animo constituerit quum *Vmbellam Viridem* appellat. Is ad Naevolum, Cinaedum subsannans, cui tamquam mulierculae mittebantur dona a draucis, sic accinit:

*En cui Tu Viridem Vmbellam, cui Succina mittas  
Grandia, natalis quoties redit, aut madidum ver  
Recipis.*

Ac primo deridenda, & ad summam usque inscitiam inepta mihi videtur ea interpretatio, quam memini in vetusto Codice legisse. Extat ille Cesenae in Bibliotheca, quam Urbis illius Dynasta Malatesta Novellus, publicae utilitati communi-que commodo studens, condidit, dedicavitque. *Plut. xxix. Sinistrorsum Num. 11.* Codex scriptus est Saeculo xiiii. exeunte, hancque praefert inscriptionem: *Magistri Omniboni Commentaria in Juvenalem*, qui ea verba *Viridem Vmbellam* in hunc interpretatus est modum. *Vmbella praeciosus tapis viridis coloris*<sup>c</sup>. Vnde hanc deprompserit narrationem vix ausim divinare. Certum est apud Gemmarum Scriptores *Vmbellam* haud recenseri; imo in universa Lithographia vocabulum non reperiri, sponsor accessit homo, cui naturae contemplatio, rerumque naturalium observatio diu, noctuque in studio est. Neque sentio cum Kippingio, qui ex nostrorum temporum moribus mentem Juvenalis se assequi putat. *Viridem idest viridi colore superlitam*,

G 2

ut eo

<sup>a</sup> *Entrop. in Nerone cap. vii. xiv. Edit. Novercamp. Lugdun. Batav. 1739.*

<sup>b</sup> *Cic. Parad.*

<sup>c</sup> *Satyr. ix. Paris. 1613.*

<sup>d</sup> *Dictionis barbarie, scripturaeque forma*

convictas nihil animi pendeo hominem hunc totum diversum ab *Omnibono Viettino*, cognomento *Leoniceo*, veterum Auditorum interprete erudito.

ut eo firmior ejus usus esset, perinde ut hodie Umbellas virides hujusmodi per itinera secum ferunt Itali & Poloni Magnates, ad baculos applicatas, ut baculorum ope explicari, & contrahi possint<sup>a</sup>. Neutrum illi concedo, scilicet viridem colorem firmius prae ceteris pan- no linteo haerere, & Italos ac Polonos semper, aut plerumque, virides Umbellas per itinera ferre solere; nam constans sententia apud eos, qui Sandracam operibus superinducunt, alios esse colores, qui tenacius linteis inhaerescant: ac prostant quotidie in officinis Umbellae colore livido, thalassico, luteo, subnigro illitae, & versi colores. Ut igitur cogitatione dilucide comprehendi possit horum verborum significatio, & ut omnes Juvenalis sensus ea in re cognitos habeamus, alio animum intendere fas est, & abs Romana historia interpretatio accerfenda.

Romae itaque quum Circenses populo darentur, in varias factiones dividebantur, qui spectacula, vel currus agitatione, vel ludo alio praebebant, quique assidentes, a partibus hujus vel illius stabant factionis. Eae quatuor erant ab eo, quo factionarii induebantur colore, cognominatae. Quae quidem consuetudo, usque ad Imperatorum Orientalium manavit aetatem<sup>b</sup>. Colores quadrifaria divisione, quae quatuor anni tempestates signaret, distinguebantur. *Praefinus* virenti Verno; *Roseus* Aestati flammeae; *Albus* pruinoso Autumno; *Venetus* nubilae Hyemi dicatus. Non opus est pluribus verbis facere longius, quod est, ut credo, notissimum. Quoniam vero, qui in circo spectantes, & subsellia tenentes suae factionis colore inter sese discernebantur, videtur Juvenalem alloqui hominem, qui *Praefinae* esset factionis, ideoque Viridem Umbellam mittendam proponat. Atque haec interpretatio multo fit verior, si mente advertamus, qua aetate vita viveret Juvenalis, quo-

<sup>a</sup> Roman. Antiquit. lib. xv. cap. v. Lugdun. Batav. 1713.

<sup>b</sup> Corippus lib. i. Justin. V. M. cum notis Riverfaki & Ruizii Alcorfi 1747.

Et fecere duas studia in contraria partes,  
Ut sunt *Aethiops* Brumalia frigora flammis.  
Nam Viridis vernus carpus cum consolor  
heros,

Vinguis olivae comis, Juxta nemus omne vi-

rescit,

*Aethiops* roseus, rubra sic veste resurgens,

Ut nonnulla rubent ardenti pomae colore.

Autumni *Venetus* ferrugine duri & oestro

Maturas uvae, maturas signat olivas,

*Aethiops* candore nivei, hyemisque

pruinam.

Albicolor viridi socia conjungitur uvae.

### ( LIII )

quoque tempore scripserit . Varias & discrepantes esse sententias , nos minime fugit . Lipsius <sup>a</sup> contendit pleraque illum scripssisse Trajani imperio , imo Hadriani ; quem sequutus est Dodwellus in *Annalibus Quintilianeis* . Fabricius vero <sup>b</sup> magnam tribuit probabilitatem eorum opinioni , qui autumant Poetam inter mortales degisse imperio Domitiani . At quae afferuntur argumenta ad fidem faciendam , non tanti esse videntur , ut ab antiquorum sententia nos jubeant recedere , ab iis nimirum , qui cum veteri Scholiaste censent Caligulae & Neronis aevo , vel paullo post , vixisse Juvenalem . Jam vero cui exploratum perspicuumque non est Caligulam atque Neronem *Prasinae* factioni penitus deditos fuisse ? De Caligula quidem Dio : *ισχυρῶς γὰρ τὴν Βατραχίδα ἐδύοντο , καὶ διὰ τὸ ἀπὸ τοῦ χρώματος τῶ πρασίῳ καλυμίνῳ προσέκειτο* . Bene animatus erat in eum , qui vestimentum viride induebat , qui & a colore *Prasinus* dicebatur <sup>c</sup> . De Nerone autem Xiphilinus ὁ Νέρων ἱρματίλασσι πὺν τὴν σολὴν πρασίῳ ἐδύδυνός . Nero agitabat indutus vestem viridem <sup>d</sup> . Hinc plebecula , quanta Romae erat , ut Imperatoribus assentaretur , in eo colore quasi insaniebat ; quapropter Poeta , etsi aliquando large mordax Augustorum , plebisque vitia carperet , hoc loco , auribus Imperatorum blandiri , populoque morem gerere cupiens , colorem viridem , qui tanti habebatur , laudat , atque commemorat : quod & alia Satyra ipse met innuit <sup>e</sup> .

*Totam hodie Romam Circus capit , & fragor aurem  
Percutit , eventum viridis , quo colligo panni .*

CA-

<sup>a</sup> *Epistolarum lib. v. quaeq. xx. edit. s. l. An-  
twerp. 1633.*

<sup>b</sup> *Biblioth. Latina tom. 1.*

<sup>c</sup> *Dio lib. lxx. Parisi 1623.*

<sup>d</sup> *In Ner. sive lib. vi.*

<sup>e</sup> *Satyr. xi. Quod si saltem in hoc obfirmas  
ferius vixisse Poetam , nil vetat quin consuetudo ,*

*& in Prasinos propensio diu maltumque perduraverit ; quos enim vulgus aliquando imbricit mores , eos longissime retinet .* Addito hinc , quod Helagabalus , & Verus , qui tardius Imperium tenuere , testibus Xiphilino , Lausperidio , atque Capitolino , hunc colorem perditae adamarunt .

*De Christiano Umbellae usu. Umbella, qua Graecorum Presbyteri, & Diaconi utebantur, teste Simeone Thessalonicensi. Apallarea in Templis Christianorum suspensa. Umbraculum a Sergio PP. in Basilica Salvatoris appositum. Dono missum Pippino Regi a Paulo I. Item Alexandro III. & Federico I. Imp. ab Anconitanis oblatum. Jaspis Episcopum referens equo vectum, seruo Umbellifero comitante, dilucidatur. Summa BENEDICTI XIV. in antiquitatibus Christianis cognitio, & mira accuratio. De Flabellorum usu in Graeca ac Latina Liturgia perbrevis observatio.*

**H**AEC indoctorum animis offusa caligo est, ut saepe mirentur nos tantum operae, ac temporis in his studiis ponere, ex quibus putant illi, nullum Religioni incrementum accedere, nihilque ex iis confici ad Christianum populum erudiendum. At sermones ejusmodi disseminare, hominum est parum considerate loquentium, atque in maximis rebus errantium. Quis enim est, cui non perspicua sint illa, quae pluribus verbis commemorantur ab immortali Baronio, qui antiquis Christianorum moribus patefaciendis, aut Ecclesiae disciplinae constabiliendae, monumentis marmore, & aere sculptis sapienter usus est? Quid enumerem viros plane summos, ac singulares Thomassium, Ciampinium, Mabillonium, Norisium, Blanchinium, Mamachium, aliosque, quorum attenta eruditatum Antiquitatum meditatio Christianis ritibus, ac Dogmatibus tantum contulit firmamentum, tantumque splendorem? Nullus ferme est qui Ecclesiasticae Historiae illustrandae curam impenderit, quin in hisce monumentis maxima praefidia, atque adjumenta invenerit, sive ad origines expiscandas, sive ad Chronologiam restituendam, sive ad hostes Catholici nominis refutandos. Quare studia haec qui vituperant, haud sane intelligo, quid nam sit, quod laudandum putent. Sed longiores forte sumus; quam necesse est; jam ad instituta pergamus. Ordior autem ab eo, quod Simeon Thessalonicensis Archiep. in libro de Sa-

# ( LV )

Sacramento Ordinis a Cl. Morino ex Codice Bibliothecae Vaticanae edito scribit de Graecorum Praesbyteris, & Diaconis. *Τοῖς αὐτοῖς Διάκονοις καὶ Ἱερεῖς ὁμοῖα ἱματίοις ἀναθεσθῆναι ἐκδύσασθαι ἀμφιά, καὶ ἐπὶ κεφαλῇς πὰ σκιάδι, καὶ λοιπὰ συνήθη φορέματα πάντα ταυροῦ ἐκτυπῶντα, ὡς καὶ αὐτὸ τὸ σκιάδιον.* Igitur Diaconi & Sacerdotes vestimenta induunt his imatiis superne similia, & Umbellas in capite ceteraque gestari solita, omnia Crucis figuram exprimentia, ut & ipsa Umbella \* Haec tamen Umbracula nihil aliud esse, quam Pilei genus aliquanto latioris, & Cruce insigniti, quo viri Sacris faciundis addicti utebantur, liquet apertissime; neque de ejusmodi Sciadio pluribus disputare, est nobis in hac oratione propositum.

Propiora huic argumento sunt *Apallarea* in Templis Christianorum suspensa, quae primitus soli arcendo nimiaeque luci prohibendae invecata creduntur. Dicta sunt etiam *Appellaria*, & *Aplaria*; atque sic nuncupari asserit Bulengerus vel ἀπὸ τοῦ ἡλίου, vel ab ἡλ, quae vox lucem significat \*. Nam et si Tempia tunc essent obscuriora quam nostra aetate, ea omnia ab Altari removenda sollicitè curabant, quae intentum sacerdotis animum vel perturbare possent, dum sacris operam daret, remque divinam faceret \*. In modum cochleae fuisse efformatam scribit Dugange †; vereor tamen ne pro more suo nimium tribuat vocis originationi, atque etymologiae: quamquam nullum suppetit schema, quo rem definiam, nam quae conspicienda protulit Ciampinius ‡, recentiora sunt. Altaribus, maximeque Arae, principi superne incumbibat *Aplare*, nisi vice ipsius fungeretur machina illa fastigiata, quam, graeca voce, *Ciborium* § nomina-

mus,

a De sacris Ordin. Parisiis 1635.

b De Tempis lib. 111. cap. 112. *Apellaria*, seu *Apallarea*.

c Veteres Christiani diu affecti in Cryptis, scellisque subterraneis sacra pertrahere, Venetis sacris adibus perpauca admodum indiderunt. Firmata subinde Ecclesiae pace Tempia edificaverunt luminosa. Documentum est S. Paulinus Nolanus, qui quum tenebrosam Basilicam in Pincis a S. Damaso excitatam in splendidorem formam redegerit, de eo magnifico opere gloriabatur.

Qua fuerant vetera & nova nunc extare videntur.

Nam steterant vasto deformibus agmine pilis:

Nunc meliore datis eadem vice sulca columnis.

Et statim corpore & luminis incrementum. Natal. u. Edit. Muratorii Verona 1736.

d In Glossario v. *Appellaria*. Paris. 1713.

e De sacris Aedificiis a Constantinis constructis. Romae 1693.

f V. EYXOAOION Jacobi Goar. Venetiis 1730. Si Bingamo fidendam, vocem hanc perperam interpretati sunt recentiores librorum Ritualium scriptores nonnulli. Verum Du-Fresnois antiquitus fuisse ostendit VMBRACULUM

( LVI )

mus ; quod etiam per hoc tempus faciendum monent libri Ri-  
tuales \*. Neque id tam munditiei causa, quam Divini Numi-  
nis praesentiae declarandae, indicandique dominatus . Eam  
ob rem Pontifici ac Regibus ultro permissum legimus . Sergius  
Papa, cui sacrorum caeremoniae imprimis cordi fuisse viden-  
tur, ut est apud Anastasium Bibliothecarium, in Basilica Sal-  
vatoris posuit in abside super sedem Apellariam argenteam pensantem  
libras centum viginti <sup>b</sup> . Itemque Paullus primus vix summi sa-  
cerdotii honore auctus, in epistola secunda ad Pippinum Re-  
gem data, in qua accusat Desiderium Langobardorum Regem,  
quod promissas Ecclesiae Romanae Civitates non restituat,  
oratque ut opem ferat, illumque ad has reddendas adigat ; mu-  
nera aliquot dono mittens, ita eum affatur . *Pro verae Benedi-  
ctionis causa direximus vobis Appallaream, unam spatulam ligatam  
in gemmis cum baltheo suo, annulum habentem hyacinthum, storaci-  
num pallium &c.* <sup>c</sup> Nonnulla, quae de Vmbraculi usu ( vulgo

Bal-

LVM quoddam altius eductum & totam sa-  
cram mensam contegens . Hoc in forma Turri-  
culae erectum quatuor columnis ad Altaris-  
cornua exsurgentibus incumbens . . . . *Suprema  
Ciborii pars formam Sphaerae referebat .  
Bingham . Orig. & Antiq. Eccles. tom. 111.  
lib. 1111. cap. 11. §. xv111. Arcue interiori  
horum Vmbraculorum quoadque pedicillo super  
inductur, vel seu pigiatur Columbae species ;  
at unde mos sit profectus, Ignorata plerumque  
res est . Indolui in ea suae opioiue Spiritus San-  
cti symbolum upponi, ut ille praeflo sit homini-  
bus rem divinae operaturus . Verum aliam pro-  
fus esse originem admonuit Lazarus Bocquilloe  
*Traite Histor. de La Liturgie. Paris. 1701.*  
quod hic adnotasse haud erit supervacaneum .  
Sacri Euchuristiae repositioia fuisse antiquitas  
etiam videt in *lustr. Columbae*, prout legere est in  
Conciliis Constantiopolitano sub Meno An-  
no DCCCXVI., & Nicarno II. An. DCCCXXXVI. Si-  
militer de Perpetuo Episcopo Turonensi bubetur  
upud D<sup>m</sup> Acherium (*Spicileg. tom. 111. p. 303.*)  
Amalatio Presbytero legat *Columbam ad Re-  
positorium* . Quae quidem columbae, sive vireae,  
sive urgoeae sub tholi Ciborii suspensae depo-  
debant . Sed quum huius generis repositioia in  
ole esse desierint, occlusus coeluctudinis omnis  
memori interiret, Vmbraculis, quae Ciborii  
fuerant, Columbae insculpi, vel pingi coe-  
perunt .*

a Super altare appendatur Vmbraculum  
quod Balaichinum vocant, cooperiens altare  
... quo non erit opus ubi adest Ciborium .  
A Dilecto Calladus Praxis Caeremoniarum  
lib. 11. sectio. 11. Neap. 1615. De dupliet Vm-  
braculo altero super altare vult Episcopi sedem  
appendendo, altero super Pontificem in publicis  
supplicationibus gestando, multa erudite scrip-  
sit I. Catalanus in *Caeremonialis Episcoporum*  
tom. 1. cap. xiv. Romae 1744.

b Aoultus de vit. Pontificum Romanorum.  
Edit. Blanchini . Tom. 11. Romae 1735. Hoc  
quidem coeetium omnibus Episcopis in signum  
celestudinis se possessatis, ut adnotat Mauriclus  
de Aluedo de Excellentia Episcopalis dignitatis.  
*Lugduni 1630.* De Cathedra Episcoporum non  
solum gradibus elevata, sed velo etiam adorna-  
ta consule eundem Cl. Catalanum *Pontificale  
Roman. Praefectum. cap. 11. tom. 1. Romae 1730.*

c Colleeem Caroliolum complectentem epistulam  
Pontificum Gregorii III. Zachariae, Stephani II.,  
Pauli I., Stephani III., Hadriani &c. ad Carolum  
Martellum, Pippinum, Carolomagnum, & Ca-  
rolum Magnum, u Schaffiauo Tengenoglio Cae-  
sareae Bibliothecae Praefecto uceperit Iacobus  
Grexerus, qui illum in lucem edidit Ingoistudi  
1615., referente Petro Lumbeolo lib. 11. *Bi-  
blioth. Caesar. cap. 11. pag. 122.* Epistola Pauli  
II. de qua sermo est, legitur etiam upud Lub-  
beum tom. 1111. *selectis Conciliis edit. 1701.*



## (LVII)

*Baldachino*) intra Templi ambitum in quaestionem veniunt, libens superfedeo disputare\*. Verum eidem prorsus usui, cui in sacris aedibus Apallarea dedicata fuere, extra illas Umbellae destinabantur. Hinc in Christianorum supplicationibus aliquando deferendas adnotat Martene de Antiquis Ecclesiae Ritibus<sup>b</sup>. Hinc viri principes, quo majore honorificentia in publicum prodeant, privilegio gestandae Umbellae decorati. Praeclare huc faciunt verba Andreae Danduli in Chronico, ubi PP. Alexandrum III, pace composita cum Federico I, Venetiis Romam revertentem describit. *Postea die decima sexta, Octobris Dux paratis decem Galeis, juxta conductum, recedentes Papam, & assumptum Ravennae Imperatorem, sociat usque Anconam. Anconitani vero duas UMBRELLAS praesentans, unam Papae, Imperatori alteram. Tunc summus Pontifex ait: deferatur tertia Duci Venetiarum, cui merito congruit, qui nos ab aestu turbationis liberans, in refrigerio pacis posuit: quod bene UMBRELLA significat. In cujus rei memoriam Duces Venetiarum volumus in suis solemnitatibus uti*.\*

Praestantissimum denique mihi fors obtulit monumentum, quo nostra omnis disputatio aptissimum habeat exitum. Dum vix ratione animoque lustrarem ea, quae de Umbellis in unum colligi possent, illustris Fr. Victorius Ord. S. Stephani Commendator, idemque veterum omnium elegantiarum cultor atque aestimator eximius, dono mihi dedit perbenigne ectypon jaspidis antiqui ex sulphure fuso apteque coagmentato, quod adhuc apud me est. Imaginem refert Episcopi sacrificialibus ve-

H

stibus

not. 1720. Lectionem ita restitimus: *dirigitur vobis Appallaream, unam spatiam Cenece secuti famos Grestium, auc Labeum, qui omnia verba indistincte copulantes, nostro iudicio, effecerunt, ut nulla inesset illa apta significatio.*

\* V. Barbosam de Offic. & Potestat. Episcopi. Allegat. 2112. parte 111. Catalogum loc. cit. Synodum Brevientium Cardinali Ursmi 1723. Meratum in adnot. ad Garvianum. tit. 1. cap. 1. §. 1.

<sup>b</sup> De antiquis Ecclesiae Ritibus lib. 1. par. 11. ord. 2112. ex Rituali Ambrosiano Casaris Montil. Edit. Rocomagi 1720. cui consonant Rituale Petri Rudalphi Actil 1556. Verum de sacro Umbellae usu providentia omnia praescriperat egregia virtute conspicuus Pontifex Carolus Borromaeus. Vid. Acta Ecclesiae Mediolanensis. Alter. parte 14. Instru. Visit. Infimorum 2. Instru. suppellectil. Eccles. tom. 1. Edit. Lugduni, 1682.

(LVIII)

stibus induti, equo vecti, servo Umbellifero comitante, & Crucigero praeunte. Litterae aliquot in area divisim scalptrae sunt, ut videre est in schemate, quod hic iterum apponi per-  
opportunum visum est.



Exemplar alterum Gemmae pene similis subinde Florentia misit Ph. Baro Stofchius, deque interpretatione nos humaniter per epistolas compellavit<sup>a</sup>. Opus medii aevi esse monet aperte sculpturae ratio; nihilominus magni pendendum nemo est, qui non animadvertat. Verum quid de eo expressè ac tuto sit pronunciandum, non ita in promptu est, ut investigatione non indigeat. Facile tamen affirmaverim pertinere ad IOANNEM III. Episcopum Papiensem, qui anno DCCCLXXXIV. Guidoni fuit suffectus, diuque illum Pontificatum obtinuit<sup>b</sup>, atque in hanc sententiam me primum impulit Carolus Sigonius, qui Berengarii I. gesta enarrans sic loquitur. *Cupiebat Berengarius Pa-*

<sup>a</sup> Sunt haec Cl. Stofchii verba in Epistola ad me data. Mi dà l'onore di accluderle l'impronta di un monumento antico in pasta di vetro, che io conferuo nella mia raccolta, offrendo quello l'unico, che io mi ritrovi riguardante le ombrelle, oltre quello, che io le mandai altra volta. Rappresenta questo un Vescovo a cavallo vestito degli abiti Pontificali, preceduto dal Crucifero, e seguito da altro,

che gli porta l'ombrello. Non ho mai potuto intendere il significato delle lettere, che in esso si veggono; e però cosa certa, che questo è l'avoro del basso Impero, ed insieme antico in genere di monumenti Cristiani. Se a sorte ella ne ritrova la spiegazione, mi farà cosa grata di comunicarmela. Firenze 6. Marzo 1749.

<sup>b</sup> Nempe usque ad Annum DCCCXIV.

## (LIX)

Papiam, ut qua Regni sedes erat, supra reliquas Civitates efferre. Itaque quoniam Ecclesiam Metropolitana afficere dignitate non poterat, ius atque insignia novo Episcopo acquisivit; atque ut Anastasius Pontifex ei ius indulgeret adhibendae VMBELLAE, equo albo vehendi, Crucis praeferendae &c.<sup>a</sup> Ab uno Sigonio id acceperunt Baronius<sup>b</sup>, Vghellus<sup>c</sup>, Ciaconius<sup>d</sup>, qui omnes id ipsum perhibuere. Neque dubito, quin Joannis ingentia merita in causa esse possent quo fidentius Berengarius ea privilegia exquireret, ac Romanus Pontifex libens ea concederet. Sane tanta erat ille rerum laudabiliter gestarum commendatione praeclarus, ut Hadrianus III, accitu Imperatoris, Roma digrediens, Galliamque petens, Johannem relinqueret ut *Missum Caroli* (Crassi) *Excellentissimi Imperatoris pro tuitione Urbis*, quemadmodum scribit Guillelmus Bibliothecarius in vita Stephani V.<sup>e</sup> Multis aliis praeterea gradibus officiorum erga Christianam rempublicam ad hoc tam illustre nomen ascendit. Quare Luitprandus levita Ticinensis ejus mortem ex animo complorans, quae misero fatalique eo bello accidit, quo Hungari, Berengario defuncto, & Rodulfo ab Italia absente, Papiam divexarunt, atque incenderunt, ait:

*Praeful in urbe sua hac moritur, sanctusque Sacerdos,*

*Nomine, qui proprio bonus est, dictusque Joannes<sup>e</sup>.*

Igitur quia gravitate, virtute, constantia adeo excellebat, & honorificentissimo Pontificis decreto, tantam dignitatem erat adeptus, puto Ticinenses nomini ac memoriae ipsius devotos, privilegia illi irrogata Gemmis etiam, quae omnium manibus teruntur, exsculpi jussisse. Qua in interpretatione conjecturam vero simillimam mihi blandior affecutum esse dum sejunctas illas litteras confero, atque in unum alligare instituo.

H 2

Quid

<sup>a</sup> De Regno Italiae lib. vi. ad an. 911. Edit. Bononiæ 1780., & Mediolani 1792. cum notis variis.

<sup>b</sup> An. Eccl'es. Ad an. 910. tom. xv. Edit.

<sup>c</sup> Co. 1. 1. 44.

<sup>d</sup> De Sacra in Episcop. Papiens. Edit.

tom. 1. Roma 1697.

<sup>e</sup> V. Pagium in Critic. Baron. Edit. Luc. ad Annum 1602. lxxv. De Missis eorumque officio. V. Antiquitat. modis Aevi Murator. tom. xl. dissert. 12.

<sup>f</sup> Historiarum lib. 111. cap. 10. apud Mu-

## (L X)

Quid quaeso efficitur, nisi hoc unum nomen JANNIN. III. ? Vernaculo quidem idiomate, pro ut ea ferebant tempora, inscriptum tanti Episcopi nomen visitur; at quis nescit quemadmodum rudibus, barbaricisque iis saeculis hominum nomina inflecterentur, nedum in familiari sermone, sed in Actis publicis, atque inscriptionibus? Plena est exemplorum Italica antiquitas medii aevi universa, quae si hic percererem, actum plane agerem. Eccui non audita ea nomina *Jani*, *Zanetti*, *Zanotti*, *Gianni*, *Jannini*, *Zanni*, *Zaneti*, *Zannoti*, quorum mentio in chartis Donationum, aut concessionum &c. post Barbaros in Italiam invectos? Qua de re ipsa inscriptio infimae latinitatis, & Johannis aetati apprime consentiens, argumento est, nos de toto hujus Jaspidis schemmate haud male esse divinos. Quamquam haud mihi est obscurum esse aliquos, qui patrii decoris plus aequo solliciti, haec privilegia Episcopi Ticinensis altius repetant, quam ab ipso PP. Anastasio: in quo tamen, quia incerta, & aliquando sibi pugnancia scribant, rem minime dubiam disputando faciunt<sup>b</sup>. Nullus erit proinde, qui ter Beatissimi Papae D. N. BENEDICTI XIV. sapientiam non admiretur, imo, verius di-

cam,

<sup>a</sup> Ne quidpiam dissimlem, fateor non omnia me esse assecutum, quae de praestantissima hae Gemma forent dicenda. Cl. Viduarus, pro ea, quae in me est benevolentia, praeter Edypum Jaspidis, delineationem calamo enaracram misit alterius, ut puto, Gemmae, quam edidit egregio illo libro: *Il Fiorino d'oro Firenze 1738*. In ea praeter litteras aliquot scindas in area Gemmae, in infima ipsius ora adlita haec inscriptio est. AMEANI. Quid sibi velis hoc verbum, conjectura nulla prospicere potui; quare satis dual nihil interpretari, quam inepta, & falsa ariolando.

<sup>b</sup> De Privilegiis, quibus ajunt Hormisdas cohonefasse Papientes Antilitas dispositionem habere, hoc mea nullam in partem refert. Ceterum ea privilegia male dubia & obscura sunt. Apud quem amabo Hormisdas litterae *Luthpatae* repetuntur? *Ab antiquis Historicis traditum* respondet Spelea pag. 627. Billata ad Platinam, & Sabellianum mittit. Romualdus a S. Maria novissimus scriptor Papiae sacrae p. 56. Saecum producit: Saecum autem de Papientis Ecclesiae dignitate in *vetustis fragmentis tem-*

*porum disturnitate exisist aliquando perlegisse* ait. Sed Eustachius a Sancto Ubaldo de *Metropoli Mediolanensi sectione* 161. cap. 23. §. 372. *Mediolan.* 1699. merito postulare videtur, ut vel antiquos Historicos recitent, vel Bibliothecas, in quibus fragmenta illa deliteant. Quod ad Platinam, & Sabellianum spectat, illi in vita Hormisdas, nec verbum unum habent. Ticinenses dignitatem Ecclesiae suae tuerantur testimonio Johannis PP. VIII., quem ajunt Hormisdas Privilegia novis litteris obfirmasse. Sed Ughellius qui eas memorat in ambiguo est, nam fidem adjungat hisce litteris. Accedit inter omnes Johannis VIII. epistolae apud *Bisium* tom. 111. p. 2. haec privilegia non recenseri. Tristinus Calesius *historiae patriae lib. vi. cap. 148.* horum Privilegorum auctorem statuit Paschalem PP. II. an. 1105. Quare de vera Privilegorum Ticinensis Ecclesiae Epocha non omnium una est mens. Nihil ego illi detrudum volo, sed ob ipsam scriptorum varietatem, atque inconstantiam saepe animi in contrarias sententias distrahuntur.

## (LXI)

cam, qui accurationem, acerrimumque iudicium in rebus literariis non suscipiat. Nam quum anno 111. sui Pontificatus insigni diplomate decerneret Ecclesiae Papiensi jungendum perpetuo Archiepiscopatum Amasiensem, innumera propemodum ipsius privilegia latifundiis fortunis copulata comemorat, adprobatque; verum a quo profecta sint, quoque tempore induta, scientissimus antiquitatum Ecclesiasticarum Pontifex silentio censuit praetereundum<sup>a</sup>.

Haec quum a me ea, qua poteram, cura ac diligentia sint disputata; finis huic Commentario aliquando constituitur. Unum fortasse instituta operis nostri postulare videbitur, ut quemadmodum Capite VII. postquam de Vmbellae gestatione apud Ethnicos multa diximus, aliqua etiam de Flabellis recensuimus; ita nunc, quia de Christiano Vmbellae usu plura retulimus, de Flabellis in Graecorum ac Latinorum liturgia nonnihil dicendo complectar. Sed haec splendide enucleateque differuntur ab Eminentissimo Joh. Bona<sup>b</sup> a Goario<sup>c</sup> Suaresio<sup>d</sup> Georgio<sup>e</sup> Catalano<sup>f</sup> aliisque. Quorsum igitur mihi de his iterum oratio suscipienda? Colligam tamen de multis paucula, ut in cumulatissima tractatione quicquam potius affluat, quam absit. Ac primo damnanda, obeloque fodienda nonnullorum dubitatio<sup>g</sup> de antiquo Flabellorum usu. Hujus ritus originem perscrutanti auctor locuples est Liturgia Jacobi, quam Clemens Primus Romanus Pontifex Constitutionum libris inseruit. *δύο διακόνους ἐξ ἑκάστου τῶν μερῶν τῆ θυσίας ἐκ κατεχέουσιν ἐξ ὑμῶν λεπτῶν εἰπίδῃ, ἢ περὶ αὐτῶν παῶρος, ἢ ὀβόνης ἂν ἐγχεμπύονται εἰς τὰ κύπελλα*. Duo Diaconi ex utraque parte Altaris teneant e tenuibus pelliculis Flabella, aut alarum Pavonis, aut liniei, & seorsum repellant parva volitantia

<sup>a</sup> Litterae datae xv. Februarii 1743. Vid. tom. 2. Bullarii BENEDICTI XIV. Romae 1746.

<sup>b</sup> Rerum Liturgicarum lib. 1. cap. xxv. Parisiis 1676.

<sup>c</sup> Libro citat. in notis ad eab. v. 1130.

<sup>d</sup> De Liturgia Romani Pontificis Rom. 172.

<sup>e</sup> De Pontificatu superius laudato.

<sup>f</sup> Vetusissimam Flabellorum originem vindicat Sebastianus Paullus in libro de Patena argentea Forocornelienſi s. Petri Chrysologi p. 21. de ſtovent. Nantoli 1742.

## ( LXII )

*tia animalia , ne incidant in vasa* <sup>a</sup>. Cui quidem dicto fidem facit , quod ea tempestate interdum pluribus uti Calicibus opus fuerit , sive Calice majori , & ansato ac scyphis minoribus , quo facilius a sacratissimis mysteriorum Dei dispensatoribus Christi sanguis plebi & laicis propinandus porrigeretur <sup>b</sup>. Flabellum equidem adhibitum altari , & gestatum a Diacono dum rem divinam operatur Rom. Episcopus aevo Agapeti I. Papae Moschus , seu Sophronius enarrat. Ab auctore Chronici Alexandrini inter sacram suppellectilem numeratur pretiosa Muscaria , quae a Clericis relata traduntur in Sacrarium una cum discis , & Calicibus <sup>c</sup>. Quodque unum usu Graecis venerat , id apud latinos etiam receptum fuisse , testata omnino res est . Ceterum adhibita haec *pinidia* ne dum ad exigenda animalcula a Calicibus Altari inlatis , sed ad ea eliminanda a sacerdotibus sacra operaturis , argumento est pictura Codicis Barberinii <sup>d</sup> , quam extremae hujus libri pagellae adornandae buxo sculptam adjecimus ; in qua praeter Acolythum , qui Presbytero Missae sacrum facienti orbiculari Flabello ventilat , notatione dignissima sunt Penulae forma , & Calix velo coopertus dum Sacerdos , quasi ingressus Sancta Sanctorum , cum Deo

<sup>a</sup> Similia reperies in Liturgiis S. Basilii , & Johannis Chrysostomi . Apostolicas vero Liturgias , omnes ad unam rejicere tanquam subditi-  
tias viros doctos compertum mihi est . V. *Riv-  
tum Critici sacri lib.* 1. cap. 111. & tom. 11.  
*operum Theologicorum* . Dupin<sup>us</sup> *Dissert.*  
*Praeliminari ad Bibliam lib.* 11. cap. 11. Gu-  
lielmum Cave in *Hidoria litteraria scriptor.*  
*Ecclesiasticor. in Jacobo. Ordinum de scriptori-*  
*bz Eccles.* tom. 1. *Coillier. in Hist. Generali*  
*Autorum sacrorum lib.* 11. c. 1. art. 7. tom. 1.  
*Novary in Apparatu ad Biblioth. maximam*  
*P. P. Tom. 1. Dissert.* 11. Ab hac tamen nota ex-  
cipiant plerique Liturgiam Jacobi . *Allatius*  
*Ep. 1. ad Nihysium inserta Symmictis . Bona*  
*R. L. lib. 1. Bellermann. Labbeus de scrip. Ec-*  
*cles.* in Jacobo , qui tamen fatentur multum lo-  
cupletatam ab extraneis scriptoribus . Ut sit ,  
liber antiquissimis accensendus . Idem sentiat de  
Costructionibus , quae etsi Apostolis adjudican-  
dae , quare Christi saeculo proditisse creduntur.

Adi Celliter. *oper. laudat. tom.* 111. c. XXXI.  
*Paris.* 1740. Sed his omnibus antepone sapien-  
tissimum , ac supra fidem eruditum BENEDI-  
CTUM XIV. cui in sacris Antiquitatibus nihil  
non perspectum exploratumque . De *Sacrifici-*  
*Missae scilicet.* 1. cap. VII. §. 11. *Potavii* 1743.  
<sup>b</sup> De quo consule doctissimum juxta ac piissi-  
mam Testinum Scriptorem P. Berlemdis de obla-  
tionibus ad Altare §. v. pag. 143. *tertius edi-*  
*tions Venetis* 1743.

<sup>c</sup> Praeter causas naturales , quibus veteres  
impellebantur Flabellis adhibendis , mysticas  
etiam complures recensent scriptores omnes ,  
quos paulo ante commemoravimus .

<sup>d</sup> Codicem indicavit Simon Ballarinius Bi-  
bliothecae Barberinae Praefectus , vir doctissimus .  
Continet autem *rollellas* , & antiquas ad Deum  
preces lites in Synaxi recitandas . Fuit quondam  
Cardinalis Sandorili scriptus initio saeculi 111.  
signatus num. 1030.

(LXIII)

Deo secreto loquitur . Adhuc haec erant fortasse dicenda :  
quamobrem , nihil eorum , quae hoc uno in argumento con-  
cludi , atque comprehendi poterant , me arbitror praetermi-  
sisse .



EX COD. BIBLIOT. BARBERIN.

EXPLICIT COMMENTARIVS.

## (LXIV)

## A D P R O B A T I O

**D**issertationem R. P. &c. PACIAVDI CLERICI REG. TEATINÆ omnigena eruditione refertam DE VMBELLIS, ac de earum antiquitate, ingenio, usu attente perlegi iussus a Reverendissimo P. Sac. Palat. Magistro: neque aliquid a Fide, moribusve dissonum reperi sensu autem, quanti sit doctissimus Auctor, qui via parum adeo trita incedens, tam feliciter coeptum iter absolvit. Quamobrem Auctori gloriosam, maximeque acceptam eruditus futuram publica luce donandam censeo.

Ex meo Domicilio in Civitate Leonina x. Calendas Martias M. DCCLII.

*Cajetanus Cennius Vat. Basil. Beneficiatus.*

## ERRATA SIC CORRIGITO

<i>In Breviario Capitum</i>		
Epist. lin. 4	<i>patritio</i>	<i>partitio</i>
Cap. v. lin. 29	<i>statutis</i>	<i>statuis</i>
Cap. ix. lin. 26	<i>Georgio</i>	<i>Sergio</i>
Pag. 11. lin. 23	<i>devotum</i>	<i>devotissimum</i>
Pag. 111. not.	(d) pro (a) & (c) pro (b)	
Pag. vi. lin. 7	<i>Illico</i>	<i>Raccho</i>
Ibidem lin. 25	<i>inquilinorum</i>	<i>Inquilinorum</i>
Pag. vii. lin. 20	<i>Atque</i>	<i>atque</i>
Ibidem lin. 29	<i>liberalia</i>	<i>Liberalia</i>
Pag. vii. lin. 6	<i>consecrare</i>	<i>consilari</i>
Ibidem not. (r)	<i>τυχεὶ κατὰ</i>	<i>τυχεὶ κατὰ</i>
Pag. ix. lin. 5	<i>indicata</i>	<i>indicta</i>
Ibidem lin. 9	<i>deserebat</i>	<i>deserret</i>
Pag. xi. lin. 20	<i>advolat. Cupido</i>	<i>advolat Cupido</i>
Pag. xii. lin. 25	<i>studebant</i>	<i>studebat</i>
Pag. xxi. v. lin. 12	<i>inferiorum</i>	<i>inferiorum</i>
Ibidem lin. 26	<i>regum</i>	<i>regnum</i>
Pag. xxvii. lin. 10	<i>legit</i>	<i>legit</i>
Ibidem lin. 18	<i>Exiguit</i>	<i>Exiguit</i>
Pag. xxx. lin. 6	<i>tradam</i>	<i>credam</i>
Ibidem lin. 14	<i>statutis</i>	<i>statuis</i>
Pag. xxxvi. not. (t)	<i>exuo</i>	<i>exui</i>
Pag. xl. lin. 1	<i>committere</i>	<i>committere</i>
Pag. xli. lin. 18	<i>ἀναστῶ</i>	<i>ἀναστῶ</i>
Pag. xlviii. lin. 8	<i>astruit</i>	<i>adstruat</i>
Pag. l. lin. 10.	<i>versis colores</i>	<i>versicolores</i>
Pag. lvi. not. l. j	<i>securi</i>	<i>secuti</i>
Pag. lx. lin. 17. 18	<i>disputando faciunt</i>	<i>disputando, dubium faciunt</i>
Ibidem not. (a)	<i>ariolando</i>	<i>ariolando scribere.</i>
Pag. lxx. lin. 2	<i>suscipiat</i>	<i>suscipiat</i>

V72  
1511859